



清源文獻卷之三

明郡人前靖江教諭何炯編緝
知泉州府事新安程朝京選刻

詩 五言律

陪太原鄭行軍中丞登汾上閣中丞詩曰汾樓
秋水濶宛似到閭門惆悵江湖思惟將南客論
南客即詹也輒書即事上卷 唐歐陽詹

并州汾上閣登望似吳閭貫郭河通路縈村水逼鄉
城槐臨枉渚巷市接飛梁莫論江湖思南人正斷腸
送少微上人歸德峰 唐歐陽詹

不負人間累，棲身任所從。
灰心聞密行，菜色見羸容。
幻世方同悞，深居願繼蹤。
孤雲與禪誦，到後在何峰。

山中枉張員外書期訪衡門
唐秦系

常恨相知晚，朝來枉數行。
卧雲驚聖代，拂石候仙郎。
時菓連枝熟，春醪滿甕香。
貧家仍有趣，山色滿湖光。

山中贈張正則評事
唐秦系

終年常避喧，師事五千言。
流水閑過院，春風與閉門。
山容邀上客，桂實落華軒。
何事教余起，微官不足論。

晚秋朱拾遺訪九日山居
唐秦系

逐時人後終年獨，掩關家中貧自樂。
石上卧常閑。

樂添新味，殘花帶老顏。
侍臣當獻納，那得到空山。

遊東林寺
唐黃滔

平生愛山水，下馬虎溪時。
已到終憐晚，重遊豫作期。
寺寒三伏雨，松偃數朝枝。
翻譯如曾見，白蓮開滿池。

寄方干
唐周朴

桐廬江水閑終日，對柴關因想別離處。
不知多少山。
釣舟春岸泊庭樹，晚烟還莫便求栖。
隱桂枝堪恨顏。

永嘉亂衣冠南渡，流落南泉作憶昔吟。

五代詹琲

憶昔永嘉際，中原板蕩年。
衣冠墜塗炭，輿輅染腥膻。

國勢多危厄宗八苦播遷南來頻洒淚渴驥每思泉
癸卯閩亂從弟監察御史敬凝迎仕作別

五代詹琲

一別幾經春棲遲晉水濱鵲鴿長在念鴻鴈忽來賓
五斗嫌腰折朋山刺眼新善辭如復我四海五湖身

九日溪偶成

宋錢熙

漁家深處住鷗鷺泊柴扉雨過沙迷逕潮來風滿衣
岸幽分遠景波冷漾晴暉却憶曾遊賞嚴陵有舊磯

寄九日山僧

宋呂言

目極閩南道雲山隔幾層深秋城外寺白日定中僧

野蔓穿松甲幽泉漱石稜遙思茶話夕敲碎玉池冰

九日山送客

宋趙時煥

頻年為送客携酒訪山靈歸去成何事重來媿此亭
天寬野水白松潤石厓青倚杖思今古寒鷗落遠汀

廣福院寄吳山人

宋僧法輝

夜召山翁酌花間聊撫琴酒香來竹外古意入雲深
月色臨諸水溪光射遠岑擬教塵無客對此滌煩襟

題林知塚

宋劉濤

處士塚三尺吳山松萬株空餘著書稿不見煉丹爐
道古言難合年高勢最孤清朝禮樂備無處用真儒

哭樸鄉呂侍郎先生二首

宋立葵

潮士瞻韓木莆民愛邵棠名隨天共遠身與國俱亡
血碧一時恨汗清千載香玄虬方墮屢蟻蛭恣飛揚
已擬持荷橐俄抽似葉身甘為南朝鬼不作北朝臣
屋壁遺文壞鄰州戰血新劫灰飛未盡碑碣托何人

鰲峰

泉州

元陳駭

為愛溪山趣朋尊訪舊游久拚黃菊醉况被白雲留
木落千山曙潭空萬影秋坐來飛鳥盡歸思共悠悠
四賢祠次韻

元傅定保

西傑唐遺迹千年此爰靈草荒丞相塚雲鎖隱君亭
助教衣猶綠翰林山尚青因懷水南令愁思遠春江

重五日弔古

元釋大圭

楚國大夫去彭咸從所居祇今浮水馬何處問江魚
與俗悲遺事離騷讀舊書一觴川上酒斜日雨踈踈
世故

元釋大圭

世故占星變吾生共月孤此時無夢寐長恐涉艱虞
山色宜茅屋松花滿飯盃素心將獨往及早謝人徒
次韻詹生懷陳衆中阮信道

元釋大圭

舊游陳與阮不見獨成吟無復此聯壁為誰重鼓琴
朔方文字老南國酒杯深今日風流遠令人恨滿襟

清源文獻 卷之三
和林子蒼湖亭晚酌

元盧琦

登臨多野趣未暇問朝簪東海秋聲起西湖暮景涵
江雲連遠樹山雨落寒嵐同是他鄉客相携看斗南

寧化縣作

元盧琦

觸熱來寧化居人已賣瓜田園優五色市井近千家
孤塔凌空聳青山對縣斜瀟條兵火後撫景重咨嗟

靈源洞

元王翰

旭日照高岑天風振遠林不因滄海色那識白雲心
瑤樹空香滿珠林積翠深坐來明月上何處起潮音
正月五日赦後言懷

明蔡惟溥

久雨淹南郡春懷思滿襟謬慚百里宰寧愧一生心
蓬梗誰相問風霜獨自任金雞晨放赦感激聖恩深

獨行

明釋道超

不愛城中住長為林下僧往來無伴侶去住有枝藤
遇水相扶過逢山也共登棲身磐石坐愧我嶺南能

山暮感懷

明丘養浩

日落山容瘦風飄木葉披晚雲棲雀塢殘雪衣松枝
吾道滄洲在浮華白髮知故人俱萬里誰與論心期

冬日蘇臺公署

明黃潤

歸來習靜坐杏院寂無譁門向玄風掩橋連曲徑斜

池寒凝水氣石曉淨霜華猿窟前盟負徘徊幾嘆嗟
贈南湖丁隱士
明黃瓚

湖海有高士逍遙水竹居江空山入牖雲淨月侵書
卧釣滄洲上行歌白雪餘猶開仲蔚逕松菊日教鋤
寄福城諸故人
明黃淑清

萬事不掛眼故人牽夢多閉門終日裏辭客九秋過
子任扶田耜妻能緝釣簞深期一酌酒聽我白蘋歌
紀變
明黃淑清

嘉靖六年冬十月在縣二十七都有耕牛生人孩其
家識為怪異懼有聞者即死而瘞之近方見其比人

道其事頗詳但忘其日耳余謂愚夫未悟上天垂戒
之意不有斯人一發則大事竟淪非天假之耶敢用
特筆告我同志

愚夫藏至怪隔歲昧連丘不有斯人發誰明為國憂
野懷勞夢寐天命託歌謳寄語調元者今應速問牛

遊清源山二首

明王慎中

取路非高足入山力復餘所長元有適於計未為踈
高見群生擾閒看四體虛堪嗟二畝半促促邑中居
城中長日望翹首起遊思如何咫尺地動以歲年期
忽覩草花喜終遭猿鳥疑明歸應復望惆悵使顏衰

桐川客舍

明王慎中

風雨慘燈光無言坐北堂主人及中夜問我自何方
名姓慚難告衷懷黯獨藏殷勤鷄黍惠欲去不能忘

宿武陽驛同陸毅齋憲使

明王慎中

天秋風雨急山驛易黃昏疲馬依殘櫪衰楊蔽舊門
沾塗憐潔服舉火愧空飧稍緩孤生感幸蒙終夕言

訪友人山房留題

明王慎中

恠爾沉冥甚時常出入稀以茲廬可愛肯使願空違
隱几鳥啼急披襟風到微營營予亦厭將此共扁扉

送呂思抑戶部之淮上

明王慎中

諸使發河陽仙郎惜署香家臨京口郡節建海陵倉
冰後過全魯花時到下相蒼蒼葭菼外明月定相望

送曾汝誠給事使邊二首

明王慎中

馬嘶柳帳前使者欲行邊挿羽黃金弭環纓白玉鞭
飛雲迷漢月積雪凍胡天燕將聞書泣君看魯仲連
太白壓遼城天狼照北平君王親用武節帥奉專征
問罪馳軺入觀兵攬轡行當令將士怒歸及凱歌聲

送王堦齋守贛州

明王慎中

露冕何其貴安車朱兩轡凋殘方待救命數豈徒尊
偃草知風尚烹魚悟政煩君心已如此相別更何言

清源文獻 卷之三
過梁宅之為即日故居

明王慎中

草暗蟲聲滿閒庭菊自芳人同川上去書向壁中藏
厠隅經置筆墻隙舊偷光相憶成今古如何不永傷
訪空同先生故宅

明王慎中

久欲求遺草今來訪故廬北窻存卧席東壁有藏書
墨沼春苔長琴臺夜月虛年年桂花發人擬子雲居

哭薛西原

明王慎中

造物意何如伊人果去諸寡妻司几奠門客檢圖書
隣杵悲無相朋總恨忍除百身知不贖空爾淚盈襦
挽周蹟山周以諫杖死

為事真長已孤生敢自私批鱗當逆處收肉在寒時
複衣仍赭服正寢託彤墀片玉今埋矣無因諫用尸

憶塘濱

明莊一俊

別業在烟水登臨我舊過江山成契濶時序感蹉跎
松竹餘陰滿墟塘夕照多獨憐鷗鳥跡泛泛任風波

經淨業院宿田家

明莊一俊

淨業何年寺秋風此舊過鳴鍾僧已盡飲酒客無多
坐處依黃葉吟來撫碧蘿田家雞黍約因發鹿門歌

宿白石驛和曾筆山韻

明何元述

驅馳王事急車轍粵東西嵐淨千峰出春深百鳥啼

風塵懷橐落岐路意淒迷何日孤舟去歸與洛水溪
登嶽麓寺
明劉汝楠

廢閣何年寺茆堂隱數楹迴潭空梵影隔竹出經聲
絕嶺人稀到寒林僧自行窅然萬籟寂頓覺道心清
哭楊太僕
明周天佐

識公今已死考德恨無由一疏違雙闕孤標障百流
風高三峽壯氣結五雲秋易得唐生淚川江欲盡頭
良鄉之都城
明康朗

曉隨車馬喧望日渡西原回首天南域驚秋薊北門
風塵終歲事衰薄一身存明發雲霄裏應同燕雀翻
上巳登西署官樓有懷
明康朗

節向花時好情懸物外幽清都一悵望芳草正堪遊
錦樹多依闕春禽常在樓天涯能適意蕭散復何求
四月晚發黔江
明康朗

出谷驚風清移帆夕水明灘聲宣積潯月色澹新晴
兩岸花迎棹中峰角倚城旅愁與邊思此夜一含情
春日山窓
明陳恒檢

山窓無客話饒睡晝昏然短鬢羞花落狂歌韻鳥絃
寒燈深夜雨春草石塘烟靜者亦何事深畊過暮年
山窓春卧
明陳恒檢

饒睡朝慵起荆扉午未開荒庭惟鳥雀瘦地可松梅
白首纏詩債青山閣酒盃龐公能就我開徑剪蒿萊

雙忠祠二首

明鄧城

守令在卑位殺身惟二公當時要路者不見一人雄
戰苦乾坤赤城摧雀鼠空瞻依立毛髮萬木響悲風
保障江淮固中興再造功風雲三百戰天地一雙忠
廟食春秋在鍾銘宇宙同我來祠下立千古仰餘風

謁項王祠

明鄧城

風雨烏江上松筠覆短垣怒濤推島嶼英氣隘乾坤
未悟秦俱失如憎漢尚存九原千載恨猶憶在鴻門

春城晚眺

明鄧城

高城千里目清景一開顏人醉東風裡花明夕照間
歸鷺添柳重去鷺逐雲閒欲問北來事衡山鴈未還

送王元美敬美還吳

明鄧城

金闕雙麟鳳蘇門兩弟兄為親辭綬冕憂國撫軒楹
奕世君臣義今時父子情設心已如鶴將作九臯鳴

送陳把總入閩

明鄧城

楚璞元無價吳鉤出有聲少年頻禦侮中歲始成名
燕領封侯骨鷹揚報主情八閩桑梓地蜃氣待君清

贈奕者陳堯

明鄧城

清源文獻 卷之三
聞奕久知子今朝乃識君明心如夜月變態若春雲
教機三百度強踰十萬軍吾將操爾術鞭撻犬羊群

高士峰

明朱梧

仙衣餘薜荔花石散芙蓉竹老經棲鳳巖深想卧龍
墨池秋草徧藥灶暮雲重著書吾豈敢此地擬巢松

過項羽廟

明王承箕

試劍秦關日咸京即故宮重瞳疑萬國一火失三章
赤帝元天定烏江晚自傷故鄉富貴地芳草映斜陽
喜得昌化作

明黃伯善

路分浙水上山入武林西長吏無行縣先生可灌畦

子魚通海市官酒半蘭谿儘之容踈散何嫌並鳥

安海鎮

明黃伯善

野店通朝市江船隱暮堤井鹹泉過海土濶樹臨溪
再熟登場早二潮應候齊他時鼙鼓靜萬室水東西

元夕後漫書與玉溪

明黃伯善

月暗藏燈夕春寒改火時江陰留宿雨土力動新曦
已卜麥秋有何嫌花事遲詩人休懶漫啼鳥到茆茨

種菊

明黃伯善

卜茲城市隱借爾谷園姿剪草踈開徑胎花細插籬
一秋皆可對九日豈專期意以南山會淵明是我師

同鍊師送上人出洞

明于宗亮

竹月含窓曙松風洒衲凉一辭丹室去相送白雲長

草濕山橋滑花飄澗水香紫臺遙望斷惆悵對砂牀

送派上人移棲巢雲

明于宗亮

青嶂隨棲息白雲自送迎東經披石色携鉢入泉聲

小徑松筠長新堂雪月明禪心原不住相對語無生

即事

明陳鷗

訪舊孤村裏尋幽野徑邊綠隨千頃稻紅對一池蓮

遠浦橫秋艇高山入暮筵客居如向日日有新篇

金陵雨夕話趙員外公署

明陳鷗

日暮春雨滿堂終夕陰苔痕依石潤雲氣滯江深

喜接仙郎語愁為詞客吟新晴俟明發不敢廢登臨

北遊留別社中諸友

明黃克晦

五嶽未曾遍一身空自長故人能借馬隣女為春糧

夜雨雞將曉春雲鴈作行驪歌君莫唱雙鬢久如霜

圓通寺

明黃克晦

寺外青苔徑將行却自留水風雙樹老暮雨一峰愁

詩壁因名讀經蹄得旨休僧言山翠色更在向東樓

桂少府書屋喜晴

明黃克晦

誰以千金壁酬將半日晴朝來開北牖曙色滿東楹

山落當軒翠鶯啼渡水聲柴巖欣在目履兩一何輕

呈絲郡丞

明蕭騰鳳

東海一蕭生歸來自北平書無政府字懷有古人情
對客頻呼酒臨流欲濯纓三山不可到日下是蓬瀛

舟泊高郵

明黃金

淮揚曾不遠幾度苦舟橫湖迥天疑接風高浪未平
蟬聲連水日雁影沒孤城旅思兼愁病登樓動客情

小金山

明陳紹功

昔賢何處去茲地獨留臺智炬無傳火德雲有劫灰
紅心蓬島見山足石門開一樹枕椰暗流鶯幾度來

贈別林尉鄉丈

明莊履朋

桑梓動吾念憑君破寂寥自今花下吏日折道傍腰
象郡風烟隔龍城瘴氣消行春聊佐令亦足採歌謠

詩 七言律

獻薛僕射

唐秦系

由來那敢議輕肥散髮行歌自采薇逋客未能忘野
興辟書翻遣脫荷衣家中匹婦空相笑池上群鷗盡
欲飛更乞大賢容小隱益看愚谷有光輝

苑中

唐韓偓

上苑離宮處處迷相風高與露盤齊金階鑄出後倪

立玉柱雕成翡翠啼外使調鷹初得按中官過馬不
教嘶笙歌錦繡雲霄裡獨許詞臣醉似泥

春盡

唐韓偓

惜春連日醉昏昏醒後衣裳見酒痕細水浮花歸別
澗斷雲含雨入孤村人閑易得芳時恨地迥難招自
古魂慚愧流鶯相厚意清晨猶為到西園

南安寓居

唐韓偓

此地三年偶寓家棘籬茅屋共桑麻蝶矜翅暖徐窺
草蜂倚身輕凝看花天近函關屯瑞氣水通吳甸浸
晴霞豈知下肆嚴夫子潛指星機認海查

釣龍臺

臺在福州

唐韓偓

無柰離腸易九迴強攄懷抱立高臺中華地向城邊
盡外國雲沒島上來四序有花長見雨一冬無雪却
聞雷日宮紫氣生冠冕試望扶桑病眼開

景祥院

唐徐寅

一溪拖碧遶崔嵬瓶鉢偏宜向此隈農罷樹陰黃犢
臥齋時山下白衣來松多徃日門人種路是前朝釋
子開三卷貝多金粟語可能心鍊得成灰

贈僧亞齊

唐翁承贊

蕭蕭風雨建陽溪溪畔維舟見亞齊一軸新詩劍潭

北十年舊識華山西吟魂惜向江村老空性元知世
路迷應笑乘軺青鎖客此時無暇聽猿啼

題建造寺

五代劉乙

曾看畫圖勞徼羨如今親見畫猶簾滅除大半石初
泐欠却幾株松未枯題像閣人漁浦叟集生臺鳥謝
城烏我來一聽支公論自是吾身幻得吾

勸王氏入貢寵予以官作辭命篇

五代詹敦仁

筆霸圖王事總非中原失統可傷悲往來賓主如郵
傳勝負干戈似局棋周粟縱榮寧忍食葛廬類顏義

勞思江山有待早歸去好向鷓林擇一枝

余遷泉山城留侯招遊郡圃作此

五代詹敦仁

當年巧匠製茅亭臺館翬飛匝郡城萬竈豨豨戈甲
散千家羅綺管絃鳴柳腰舞罷香風度花臉粧勻酒
暈生試問亭前花與柳幾番衰謝幾番榮

追和秦隱君辭薦之韻上陳侯乞歸鳳山

五代詹琲

誰言悅口是甘肥獨酌鴉兒噉翠薇蠅利薄於青帟
扇羊裘煖甚紫羅衣心隨倦鳥甘棲宿目送征鴻遠

奮飛擊壤太平朝野客鳳山深處覺生輝

上吕相公

宋劉昌言

重名清望徧華夷恐是神僊不可知一舉首登龍席
榜十年身到鳳凰池廟堂只似無言者門館長如未
貴時除却洛京居守外聖朝賢相復書誰

題韓侍郎致光詩

宋陳從易

鰲頭遺集自揮毫三世傳來紙有毛迹為亂離飄嶺
海文泛歌頌變風騷故都禾黍身難到寶劍塵埃思
漫勞百二十篇皆讀徹可憐先笑後號咷

香積寺

宋曾會

松門石徑亂雲粘四顧藍光冷射簷鏤霧樓臺陰自
潤嘯風猿鳥韻相兼寒巖路僻憑僧指古篆香殘待
客添須信苾芻堪愛處滿階芳草正纖纖

遊金山寺

宋蘇紳

九派分流湧化城登臨潛覺骨毛清僧依玉鑑光中
佳人踏金鰲背上行鍾阜雲開春雨霽海門雷吼夜
潮生因思絕頂高秋夜四面銀濤浸月明

喜雨

宋韓琦

何假嗔雷擊怒桴默然嘉澤浹民區經時亢隔羣心
駭數月焦熬一陣蘇已發宋苗安在堰再生莊斲不

虞枯須臾慰滿三農望却歛神功寂似無

九日水閣

宋韓琦

池館隳摧古榭荒此延嘉客會重陽雖慙老圃秋容
淡且看寒花晚節香酒味已醇新過熟蟹黃先實不
須霜年來飲興衰難強漫有高吟力尚狂

夢遊異境

宋蘇隨

夢乘鸞雀到仙家侍女風流玩月華琥珀盞斟千歲
酒琉璃瓶種四時花金函藏錄文刊玉石壁題名篆
點砂一枕北窓初睡覺日移門外柳陰斜

崇政殿放榜

宋蔡確

黃輜關封出奏篇銀袍二百玉階前威顏咫尺瞻
歲名姓傳呼下九天宮筆旋題黃甲字禁門已簇香
花羈孤臣拜賜交悲喜相望先分五十年

謁迪上人

宋李邴

數眷招提四面山羨師終日掩禪關憑欄人語風煙
上乞食僧來紫翠間萬木深藏雲泱莽一溪空鎖片
響環十年不踏門前路只遣松風送我還

琴泉軒次韻

宋李邴

但怪朱絃韻枯木那知古澗墮寒泉鳥啼靜夜應傳
譜風入寒松擬續絃妙體難尋斤斲處高吟寧墮膝

橫邊飲光到此如欣舞咲倒雲門逸格禪

揭陽縣東齋九月梅花

宋梁克家

老菊殘梧九月霜誰將先暖入東堂不因造物於人厚肯放南枝特地香九鼎燮調端有待百花羞澁敢言芳看來冰玉渾相映好取龍吟播樂章

題湧月亭

宋黃子善

星河耿耿瘴雲披劔氣崢嶸徹紫薇輪輾碧空凌象緯波翻清影射窓扉寒光照夜潛蛟動皓色穿林宿鳥飛少樹無烟衣有露夜深吟賞欲忘歸

早朝

宋留正

天開曙色卿雲東一日衣冠遍會同花簇端門迎曉日柳搖禁院舞春風五音九奏聞韶樂萬壽三呼達聖聰朝罷微臣歸粉署不勝踈踏耿丹衷

次許宰普惠院祈雨韻

宋莊夢說

華鯨呼客響脩廊杖屨來遊簷蔔堂宰堵擎天光繚繞遠山排闥翠昂藏高僧宴坐鬚髯古縣尹新題詩句香喚雨雨來端有驗會看行旅不費糧

對御唱第詩

宋魯從龍

龍飛聖主重臨軒一介何期預選掄清問六條當世事力行數語昔人言慚無高論裨天聽願有微衷動

帝尊玉陛臚傳四首選誓堅一節報皇恩

水簾洞

宋留籀

九天飛墜水晶垂不着人間一點埃六月驚蜚霜色
皎四時長作雨聲來春晴野燕穿難入月冷山風吹
不開我欲倚藤看翠色憑誰撥捲掛雲堆

肇慶七星巖

宋曾純

斗宿垂精插碧空嵌巖太古石屏風天然一道玲瓏
穴誰見五丁開鑿功竇裡乳泉金液點門前瀝水石
橋通與君細翫松臺景謝屐當年逸興同

鳴峰巖

宋黃巖孫

卓錫當年愛此峰直於頂上駐禪筇巖深疑有僊人
宅地僻全無俗客蹤罇石引泉圍古壁斷烟拖露滴
寒松夜來冷枕蒲團睡夢破一聲殘月鍾

僊遊縣圃訪梅

宋莊彌高

敏手種花纔幾月修治癡圃作名園真情肯上宮粧
額純白難尋匠斧痕多謝竹君堅石好常携玉友恔
冰魂夜深臺上傳盃處銀燭高燒破衆昏

送毛真人南還

元陳旅

真人不似壺丘子老去都忘杜德機左乙象文令虎
守上方鳧鳥背人飛巖扉暖翠侵絳帙江渚晴霞上

羽衣游子故園春似海客牕長日聽催歸

送董尊師

元陳旅

羽衣使者青旄節玉案函封紫水泥朝佩定從花外
散天香只向袖中携暫憐方朔辭金馬終勝王褒祀
碧雞龍虎壇邊銀渚近歸槎還傍露盤低

送趙子期使交趾

元陳旅

曉日承恩紫殿深都門祖道馬駸駸上書不奏唐蒙
策歸橐寧將陸賈金露入珠盤鮫室白雲生銅柱象
嵯陰為君臨水歌黃鵠天北天南萬里心

獨坐

元釋大圭

秋風一來林院深開戶自彈焦尾琴藪木寒涼獨
白亂雲高下群山陰老天有月照閑坐清夜無人同
苦吟古來窮餓得不朽我生與世空浮湛

湖月簡閒中

元釋大圭

秋近清波荷葉圓葉陰踈處見青天偶臨湖坐得佳
樹欲傍花行無小船林院鶴歸山色外水亭人去夕
陽前深知碧玉壺中樂一笑臨風揖地仙

王丞石泉

元釋大圭

白石叢叢屋上山泉聲一道碧雲間十分如練月同
色萬古不痕天照顏靜夜竹齋知雨意清秋茶鼎共

僧閑甘寒可濯功名念公子青袍鬢未班

吾郡

元釋大圭

吾郡從來稱佛國未聞有此食人風凶年竟滯心術
變末俗何由古管同市近祗今真有虎物靈猶自避
生蟲諸公肉食無充耳急為飢民散腐紅

雲榭

榭為陳洪進故築

元釋大圭

老屋危臺雨氣昏石苔不見舊鏡痕當年霸業旌麾
盡故國秋聲樹木存度海雁行驚斷角近城螢火沒
荒垣無人去買長餅酒一酌陳王千載魂

送錢將軍北上

元釋大圭

魯國將軍盖世雄十年歸卧海門東舊游臺閣諸公
在當日京師萬馬同行李忽來人意外觚稜重入眼
明中聖心政尔思頗牧待賜臨軒節鉞崇

秋日送三徒之京

明僧咲堂

客路逢秋意慘悽吳歌楚些聽如迷海天一色雁雙
去山月半規猿自啼心動故園頻入夢詩因佳景易
成題孤霞落鷺西風外更向何山去托棲

追和本寺第五代南海珠和尚和永明禪師山

居詩二首

明釋道超

此界他方法一同西來東土總皆通少林密旨傳無

盡大藏經文演不空刻草鋤雲為祖業敲床豎拂振
宗風山中城裏住名刹却是從前造化工

山巒青翠瑞雲濃雲散天清處處通此際安居千日
會管時曾坐九年功庭前月朗通宵白窓外花開滿
樹紅衆鳥啣花無覓處却將轉送牛頭融

送何別駕祜之儋州

明朱鐸

嶺南別駕舊參軍才思飄飄迥不群九載紅蓮淹宦
轍一官紫綬荷君恩棠舟曉發潮初長竹馬朝迎日
未曛此去莫嫌關路遠邦人無數候朱輪

棄官後舟中自吟

明胡守宗

屈指離家二十年今朝喜見棹回舷向來塵世期三
萬此去關河剩八千紫誥籠紗光曉日綵帆飛霧屨
炎天春風誰料老歸國羞覩鶯花事可憐

送陳則誠之常德教授

明楊曜宗

白門木落滿霜枝有客携書遠別離千里辭家今皓
首一官典教自臯皮扁舟逐水尋花洞古寺乘秋訪
墨池定有高情發新詠不妨相寄慰相思

送夏廷簡四川參政

明楊曜宗

大參承命出金鑿全蜀于今賴撫安千里封疆歸保
障百蠻人物仰衣冠岷江風靜銀濤立巫峽天低白

雁寒握手都門難遽別玉壺沽酒為君歡
賦得姑蘇臺送林崇信司訓之溫陵

明楊曜宗

姑蘇臺下水東流過客登臨此繫舟極浦樹含吳岫
雨西風帆掛越江秋孤城落月啼鳥起芳草斜陽野
鹿遊莫向經行頻弔古桐陰多士待回輶

盆中山水

明莊敏

靜裡乾坤事事清盆中別有小蓬瀛遠分楚水半彎
碧坐對吳山一點青瑤草暗穿幽澗石金魚時躍紫
萍萍箇中若有閒田地好結茅菴度此生

送陳脩撰緝熙使朝鮮

明溫良

鳳啣詔下五雲中路入三韓取次通江漲春波翻鴨
綠海呈曉市炫霞紅文標山斗層霄上人仰衣冠弱
水東泛此朝鮮增紙價新題灑翰徧王公

九鯉湖

明陳睿

何處飛來海上山年華不老水雲顏晶宮月色暎如
書簾整天門迥可憐白日騎魚歸漢表碧桃隨水到
人間我來預訂神仙會九滌十洲一夢閒

新居遣興

明傅凱

本尋幽僻事潛藏雅景相迎到草堂碧水蘸光澄遠

漢青山倒影入幽塘花間看鳥隨來往林下分魚任
短長自識盈虛消息意乾坤無處不春陽

別華使君

明丁儀

昨夜江頭買去船江烟浩渺曉霜天清階乍陟君堪
羨世事乖遺我獨憐萬里郵亭催去鷓六橋芳草忽
離筵逢人若問西湖景歌舞依稀似去年

陶園

明李源

深秋載酒倚芙蓉野色無人晚更濃愛竹不嫌行入
徑捲簾真快坐臨峰花枝斜向船頭掛棋局移來洞
口逢莫道山中全隱逸談農時亦到夔龍

次杜韻

明李源

縱飲狂歌天地寬不因流俗寄悲歡花開西閣曾遊
寺塵拂東窓舊戴冠歲月忽驚青鎖暮曙光正憶紫
宸寒龍輿巡幸知何極
帝座頻依北斗看

東郊春望

明李墀

蘭芽柳眼曉江南郭外竒觀酒正酣山帶晴雲嬌似
黛溪添新雨色如藍蘭舟掩映依芳渡茅屋參差傍
夕嵐贏得春光携滿袖不禁詩思滯歸驂

溧水山行阻雨

明黃潤

豆花麥穗滿平疇細雨霏霏山更幽泥滑板橋橫澗

卷之三
荳烟輕茆屋傍林丘野塘水漫鳧爭下芳草春深鹿
自遊却笑書堂空海上驅馳南北欲何求

春日寫懷

明黃潤

濟世無能及早歸豈將欲惡與時違杉松滿意環書
榻鷗鷺知心傍釣磯湖色練鋪由桂棹嵐光翠滴染
蘿衣從教林下風和雨幸免人間是與非

春日田家樂

明黃潤

春時最樂是田家大麥合和小麥花舍北泥融將乳
燕湖東草長忽鳴蛙老妻伐木修豚柵稚子添籬
廢車入夜燈前團笑語更無愁夢到天涯

夏日郭白峯陳右泉何忤菴諸公枉過草堂次

右泉韻

明黃潤

幽居地僻宜疎散橘刺藤梢經過稀野鹿閑眠庭草
靜沙鷗故傍海雲飛支離歲月唯耽酒肥遯塵囂久
掩扉不有群賢憐氣合誰令白首訟前非

思親詩

明鄭良佐

無補明時愧素餐思親有淚枕邊彈廩分半祿朝恩
重天各一方面會難每為年齒憂又喜得知衣服燠
和寒人生忠孝如虧欠讀盡詩書不足歡

渡瓊海

明黃瓚

夜發滄溟聽棹歌飄蓬逐客任風波蒼茫雲水連天
濶杳渺帆檣一葉過星月翻濤驚漢墮海樓結蜃入
秋多鬼門生度三千里魂斷朱厓五指何

與友人約遊清涼室

明黃淑清

十年夢寐憶清涼山自高高水自長明月滿岩僧幾
定好風吹帽客誰觴鳥啼曾作留人語花氣還開撲
鼻香我欲乘秋尋舊隱報君先掃白雲床

欽州天涯亭

明林希元

平生夢不到天涯此日登臨獨舉杯一水護門朝海
去幾家成市向城開聖朝冠帶從茲盡交趾王租久
不來銅柱功名誇漢將百年流落媿凡才

功德寺

明王慎中

憶昔宣皇遊幸初時看水艦戲西湖江花海石
藏秋浦雜珮華裾駐玉輿天地百年殊感慨日月三
殿自虛無登臨欲下牛山泪檜栢吟風夕照孤

出碧雲寺道中望香山

明王慎中

迴馬已失碧雲寺舉目還望香山陸峯巒近日秀可
結樓閣棲雲深不移靈帝翠旗颺欲下仙人玄鶴飛
相隨瑤花瑤草如可得青藜白簔任所之

奉祈於朝天門迎詞

明王慎中

漢主齋居太乙壇方春修祀表祈年祥虬扶籙交仙
葆青鳥啣書近法筵尚璽親承蒼玉案羽師跪授紫
泥編長奉先天神道教登釐無謝福為田

出遊城南山寺

明王慎中

一官常懶愛僧閑來往禪機每扣關綠柳閉門空自
長白雲出岫不知還欲牽簪紱柰微力豈少罵花非
故山那似匡廬為社者投師不遠栗林間

春日 和夏桂洲尚書韻

明王慎中

仙萼二葉耀春明御柳含煙拂禁城北海鯨冰衝氣
動西山霞樹入看平旂迎周甸輝龍藻樂下堯庭
鳳聲獻歲裁花光聖壽晞陽歌舞應時清

贈李介石徵君

明王慎中

廉似於陵不灌園形骸都喪我偏存機當自適宵為
蝶樂少人知曉負暄笑却龐眉謀漢貳嫌將清耳污
堯言獨嗟太白非愚質願事陽居學食狔

塘濱九日

明莊一俊

山中九日似天涯徙倚松林看曉鴉落帽不知傳勝
事傳盃忽自惜韶華虛塘頻見魚龍影別墅尚懸草
木花借問牛山何處覓頽然得醉即為家

寄俞虛江

明莊一俊

元戎駐節在瓊州柳葉軍門細雨殊每念三邊謀壯
伐先聲一日破南酋題詩常見寒山色擊楫自清粵
海流聞道團營徵總帥趨朝詔旨出滄洲

梁學泉君邀登西高峯二十年餘矣重來此峰

洞僧無存詩扁猶在愴然欲泣 明蔡克廉

二十年中念友生重遊此地不勝情欲談往事僧何
在猶聽高山鐘自鳴花逕也應憐舊跡春鶯誰復應
齋聲縱然學道諸緣靜覺到西峰夢不成

清明 皇陵陪祀 明黃光昇

燕山氣色來天地 七帝園陵照古今雲鎖石城

龍隱隱香飄王殿晝沉沉千峰簇仗旌旗動萬木傳
呼象衛深春草自沾臣子淚孝思長見 聖明心

出郭 明王朝佐

出郭三橋二里餘主人原是浣花居江清木落飛帆
穩逕仄沙崩水竹疎白日小堂喧鳥雀黃昏歸路趨
樵漁欲修歲月無方法好學相如賦子虛

過東平王墓 明陳露

賢王陵廟隱荒山萬仞風高仰止間細雨麟堂芳藪
碧輕陰玉柱舊苔斑白楊颯颯為誰舞青草瀟瀟祗
自閑自古善人應不朽為君惆悵淚還潛

飲馬長城窟

明鄧城

八月霜寒邊草枯
駢駢騎出城隅
風高秦堞傳刁斗
水淨湯池澣的盧
裹革一身思報主
投鞭萬里欲吞胡
但知犬馬攄忠盡
敢望麒麟列畫圖

天壽山登望

明康朗

漢家陵寢枕燕山
紫氣悠悠沙朔間
馳道侵霄芳樹直
幽城藏日落花閑
羌歌出塞當宵切
胡鴈驚秋帶月還
惟有黃花諸鎮戍
年年長閉北門關

過昌平廢縣謁狄梁公祠

明康朗

裘衣出郭為竒好
走馬荒山看古碑
落日惟聞關塞

曲空城不見并州兒
千家樹影隨流水
萬井烟光落廢陂
獨有飛禽來復去
時時啼向使君祠

訪湘山寺

明康朗

炎海風烟老歲時
邊城搖落那堪期
問禪時到清湘外
訪古來觀無量師
半壑樓臺雙錫在
千年衣鉢老僧知
雲林日落鐘聲遠
自惜焚香願已遲

九月十五日
出京風雪中
無聞虜警

明康朗

遠看烽火邊城合
愁向烟塵南陌分
庾亮殷憂空戀闕
賈生流涕欲談軍
征衣九月天山雪
去路孤舟薊

北雲回首向人惟落葉秋風灞上不堪聞

初到梧州謁督府

明康朗

一望征南戰地寬百年征戰隔雲端月明鼓角當秋
壯雪霽旌旗照日寒杖策同趨裴相府分旄誰上伏
波壇漢家銅柱應猶在好拂吳鉤子夜看

歐陽司馬南伐日南海南同時奏凱

明康朗

銅柱東南猶未賓上卿仗鉞度雷津伏波故道斜臨
海赤隴千峰半似秦鼓角晴開瓊樹曉旌旗迥拂日
邊塵功成不計雲臺賞周雅重歌元老人

送商兵憲之廣東

明康朗

南中憲使節旄香賓從雍容滿路光早歲遲迴青鎖
客同時偃蹇尚書郎署中人去三湘兩嶺外鴈稀萬
木霜聞道征南諸將在看君長策佐廟廊

送劉雪麓都督開府江淮

明康朗

聞道征南挂印還建牙吹角向江天正憐柳水初傾
蓋一聽黔鶯又別筵馬革隨身猶帶瘴龍泉在匣遠
無烟祗今淮海資雄畧不羨湯侯在鎮年

建武驛送南屏張僉憲還越

明康朗

江亭把酒夕天陰花落鶯啼客倦吟新種甘棠嫵瘴

淺欲騎驄馬入烟深常時袖裏辭官疏今日湖邊結
社心莫向浮雲傷別念東山勝事正堪尋

上何作菴師翁

明翁堯英

大雅寂寥孰啓初士林今日得應徐寒檠已費三冬
力記室還誇二酉書淑世文章歸棹撲驚人事業總
蘧廬無時得脫樊籠絆長對春風媿櫟樗

四月一日

明黃伯善

獨坐南薰細靄中半庭烟草綠蒙茸鳥聲未與春俱
盡人意便猜花不同蛺蝶閑過何處慢牡丹空度去
年叢村枝解惜韶華晚帶雨淋漓一丈紅

堂燕一窠以六月引雛而去作詩寄恨

明黃伯善

養雛成燕出簷飛向晚鈎簾待不歸舊壘先秋閒白
日新堂何處曳烏衣因茲重嘆心情薄念爾還憂羽
翼微陋室原非王謝宅當初謬誤却相依

過雲陽感舊

明黃伯善

雲陽郭外水悠悠似與行人說舊愁太傅誰知甘就
吏書生何用覓封侯茅山香冷家千里楚澤魂歸土
一丘更有西風知此恨桂花零落滿汀洲

哭石華嶽舉人

明黃伯善

一生全為買書貧玉樹西風夢裏身翰墨中原應有
子古今大塊竟無人江津鬼嘯殘星曉野塚魂歸宿
草春憶昔連床燈火夜仰天搔首淚盈巾

與陳六溪崔栢溪遊浩然閣泛舟于海

明王時儉

誰構龍宮不記年浩然危閣敞中天波光晃日明虛
牖野色連雲暝画船海遠晴山山遠海烟含遠樹樹
含烟扁舟共此馭風去漫學扣門赤壁仙

送劉省齋歸田

明陳嘉猷

邯鄲塵夢一朝醒笑指雲山訪舊盟袍笏送將官裡
去琴書擁帶馬頭橫從教桃李爭春寵儘把壘樽對
月傾別後有懷空佇想臨風還聽鴈來聲

何忤菴洗心精舍詩有引

明詹洧

吾友何君蚤歲以忤名菴取孟氏仰不愧天俯不忤
人為修身慎行之益欲得其所為樂者必忤而後可
無忤焉其心固已動矣然金屑雖貴入眼成塵心體
不容一物總有所着反障其真晚年造詣求進于廣
大高明精微純粹之域將平生所忤而一洗之更扁
于洗心精舍獨立無何有之鄉天機流動真樂洋洋
卷之則退藏於密無入而不自得矣又何忤之足云

耶因賦二律用為輔仁之一助云
昭昭心鏡本無形恍惚周流不暫停祇為乍來迷影
像因知中動障虛靈明窓淨几祛塵想掃地焚香聚
德馨忘助兩空真體現雨餘門外紫峰青
高人已把乍心洗精舍乾坤儘廓開惟有一真含宇
泰更無二念擾靈臺碧空雲散青天淨銀漢夜深寶
月來浩浩淵淵神莫測冰清玉潔絕纖埃

九日江望

明朱梧

九日晴雲拂釣磯十年沙鳥悟忘機江頭隨意迸紅
葉篙下何心見白衣霜入鬢華千菊咲天連秋水一

鴻飛夕陽島嶼寒烟積丹灶黃冠有是非

喜晴

明朱梧

野翁排悶酒痕醒百日陰霖一日停紫燕泥巢迴碧
秋尾黃鶯調羽立花屏簾前東浦多時滿天外南山不
斷青揚子逐貧春易老綠苔封徧草玄亭

陳山人池館

明朱梧

於陵避世棄纓簪百尺高樓石笋南鷗鷺同群長不
厭金銀無氣又焉貪一竿絲竹投青鏡半榻衣荷惹
翠嵐獨有違風東海鳥時論秋水宿江潭

送我渡陳公持憲入蜀

明朱梧

高唐神女暮雲收駟馬西馳是勝游石鏡月明過劍閣
玉輪風急夢刀州霜凋山櫟張黃蓋水濺江蕉卷碧油
回首長安心尚壯莫愁時晚髮將秋

神樂觀

明黃克晦

太祖六龍飛渡江鈞天樂奏百神降壇前餘響浮高
樹梁上輕塵落暗窓輦路年深荒藓合珠林人靜彩
禽雙觀周末媿延陵札欲進遺詩鬢已龐

聽話西苑分得章鈞二字

明黃克晦

白髮三朝執戟郎自言西苑從

先皇花間御氣

龍文結水上雄風雉尾涼楊柳金堤飛孔雀芙蓉寶

殿闌鴛鴦侍臣奏罷歸青鎖宮女番班入建章

雷殿清虛太液秋至尊多在望仙樓樹深宮闕東西
合月出星河上下流麟圃紫芝春曄曄兔園白鹿曉
啣啣軒轅鼎在龍髯斷露箔風簾不上鈞

奉和霜降祀陵

明黃克晦

穿池復土鬱嶙峋古栢森森繞水濱玉殿衣冠猶藻
火尚方甲楯不金銀煙雲宵合龍蛇澤戈戟秋屯虎
豹臣草莽無能觀祀典新詞慚得和陽春

送何仁仲鴻臚

明黃克晦

乍列鴛班黼座前懷山歸棹發孤烟蘼蕪曉過湘妃

清江文獻 卷之三
廟葭茨春迷宋玉田白雪新聲供奉曲悲風古調別
離篇重來何處偏相憶聞我朱陵訪道年

登九日山

明張守質

步入禪關一徑賒攝衣登眺夕陽斜金谿碧落千條
練紫塔光涵五色霞月繫扁舟漁父渡風清古碣隱
君家遊人亦卧東山麓醉倚烟羅學種瓜

成都即事

明蕭騰鳳

錦官回首夕陽邊異代風流亦可憐絃上還傳歸鳳
曲溪邊爭買浣花箋波翻片月峨眉下雲變千秋玉
壘前偏笑楊雄情大拙當年閉閣只航玄

遊青羊宮

明蕭騰鳳

玄都清境浣花傍柏樹蒼蒼夾路長日月瞳矓關
闕雲霓蠅蛇遠飛梁金書玉版函中出丹鼎芝房洞
裏香仙子不知何處去人間今只見青羊

謁杜工部祠

明蕭騰鳳

灤西路出瞿塘邊杜老曾茲託一椽白首空餘三殿
草翠微愁望五陵煙祠前波浪還依舊江上形容豈
昔年欲問杖藜吟望處西風落日共蕭然

再謁杜工部祠

明蕭騰鳳

杜陵祠屋峽門連重到空庭思愴然不惜良工心獨

苦但傷大雅久無傳
灤西舊閣知何在
斗北孤城夢自牽
把酒高歌風浪湧
滿天秋籟落江前

夢中得句

明蕭騰鳳

鎮日懷歸未得歸
空嗟世路與心違
祇慚散吏猶狗
祿何事孤臣不畏譏
晉水八千雲渺渺
秦關百二雨霏霏
愁聞一夜驚秋鴈
不待天明盡北歸

題雙髻山白水岩

明陳學潛

峭壁懸空草徑斜
高低古洞繞烟霞
雙堆鴉髮雲中
鬢兩結芙蓉天外花
馬甲一支千澗水
雉城片掌萬人家
孤根絕巘殊無障
目斷滄溟那有涯

陳山人遠遊初歸訪而有贈

明陳學潛

飄飄書劍一身輕
十載相逢白髮生
四海浪遊空寄
跡千山題徧不留名
雨過舊堂惟舞鷁
春迴故國語流鶯
樽前却憶當年別
幾度相思對月明

松山寺

明陳紹功

萬壘巖從向水盡
數椽老屋倚松開
寶艘上下魚鱗
集郡郭紆迤鳥翼迴
伊昔談經書草地
于今選佛雨花臺
逃名便欲尋僧社
曾柰龜筒不易裁

同陳山人遊南華寺

明王同休

象山掩映望中收
與客相携汗漫遊
夾道松蘿環翠

合上方鍾磬倚雲浮傳衣賜鉢當年契月色溪聲此
夜幽徙倚却忘清露冷飄然身在玉峰頭

郢中守歲

明莊望梯

湘竹洲前逼歲陰放歌真作郢中吟風塵四海關誰
事日夜孤舟繫客心為逐時名催長大坐令吾鄙半
浮沉明朝鏡裡看華髮喜帶春光頭上簪

黃鶴樓

明莊望梯

黃雀不知去後年高樓還在楚江邊春來千里看舒
柳日出平川見釣船客思遙憐南國地人家近接漢
陽煙長安天際非難望不似當時恨謫仙

詩五言排律

同諸公過福先寺律院宣上人房

唐歐陽詹

律座下朝講畫門為掩關偶同靜者來正值高雲閉
綠爾方丈內瑩然虛白間千燈智慧心片玉清羸顏
松色落深井竹陰寒小山晤言流曦晚惆悵歸人寰
玉聲如樂

試題

唐潘存實

表質自堅貞因人一扣鳴靜將金並響妙與樂同聲
杳杳疑風送冷冷似曲成韻含湘瑟切音帶舜絃清
不獨藏虹氣猶能暢物情后夔如為聽從此振琤琤

青雲干呂 試題

唐林藻

應節偏干呂，亭亭在紫氛。
綴雲初度影，捧日已成文。
結蓋祥光迥，為樓翠色分。
還同起封上，更似出橫汾。
作瑞來藩國，呈形表聖君。
徘徊如有托，誰道此閑雲。

吳宮教戰 試題

唐林藻

強吳矜霸略，講武在深宮。
盡出嬌娥輩，先觀上將風。
揮戈羅袖卷，擐甲汗裝紅。
輕咲分旗下，含羞入隊中。
鼓傳行未整，刑舉令方崇。
自可威隣國，何勞騁戰功。

閏月定四時 試題

唐許稷

玉曆窮三紀，推為積閏期。
月餘因妙算，歲徧自成時。
乍覺年華改，翻憐物候遲。
六旬知不惑，四氣正無欺。
月桂虧還正，階蓂落復滋。
從斯分曆象，共仰定毫釐。

風動萬年枝 試題

唐許稷

瓊樹春偏早，光飛處處宜。
曉浮三殿日，暗度萬年枝。
婀娜搖仙禁，繽紛映玉池。
含芳烟乍合，拂砌影初移。
為近韶陽煦，皆先衆卉垂。
成陰知可待，不與衆芳隨。

英德碧落洞

宋蘇絨

此洞誰開鑿，難窮造化原。
地開疑窟室，巖透若天關。
蘚色高低路，樵聲裏外村。
雲嵐青欲滴，煙壁翠堪捫。
一帶谿泉急，千枝石乳繁。
鼠飛猶白晝，虎嘯近黃昏。

老木吟風韻枯崖滲雨痕累遊心靡倦不到洞常存
衆喜能兼用南方可對尊碧瀾秋寸寸寧負羽皇言

和王景彝舍人九日作

宋呂夏卿

卽物登臨舊風光老大前放歌盃酒濶長日菊花天
祗有隨群事常開送客筵歸心戀城郭枕手夢林泉
數負提壺約重經落帽年離居相見少百過讀新篇

延福寺送封虞佐

宋李邴

曼絕天南郡岩堯海上城亂離傷客寓祖餞喜山行
磴道緣雲上嵐光惹屨輕雨餘秋葉墜日落暮潮平
地勢金鈴出神光寶殿成姜墳餘馬鬣傳鈞但龍

華國標曾史騷人隙筆耕乳源清不竭巖樹老無名
小憩濤驚枕高談月徙楹棊傳幽谷響琴落亂泉清
別與孤煙起遙天一鴈橫登高兼送遠誰識異鄉情
同陳石亭太僕訪顧東橋山庄因縱遊山寺承
徐九峰道人見問遂以貽之 明王慎中

端居不自適訪隱出郊原一路通樵徑千山揜華門
披雲開竹院斲石采苓根農事興南畝漁歌到北軒
聞鐘尋遠寺憇杖眺孤村虎守林中卧猿叅講後言
巖花難辨色谷水不知原因愧微官傲彌欽至道尊
君欲聞好事書此一同論

上葵峰黃尚書二十韻

明朱梧

昭代生元老明刑弼聖朝
 白頭猶葵性弱冠已鵬翮
 迴影傾紅日凌風背紫霄
 三台疏晝接萬壑注歸潮
 長樂春鍾隔未央曉夢搖
 留侯黃石葆范蠡五湖撓
 綠樹疑温室彤雲想灞橋
 履聲八座滿諫草六曹標
 釐璣榮周命懸車寵漢寮
 馨香餘菌桂著作富瓊瑤
 山閣涵雷雨江城拱斗杓
 蛟螭纏越劍鸞鳳倚秦簫
 玉頰題詩點金龜貫酒銷
 倥傯分藥送太乙把藜燒
 竹暗交窓葉榆垂夾砌條
 宮衣天使問丹鼎異人調
 老馬羞千里飢鷹受一招
 光陰飛熠燿茗葦宿鸕鷀

拚容先器寒松或後凋
 掃門伺夜漏操室侍仙韶

暮登永安臺

明翁堯英

梵臺秋更寂仙嶠暮還登
 杖屨夕陽裏雲霞最上層
 指途隨倦鳥待月憇枯藤
 谷轉方聞磬林疎忽見燈
 鶴迎初至客犬候未歸僧
 坐久猶相問同述各到曾

送周兗州之任

明黃克晦

東郡初為國朱轡已載途
 符分罽下竹鞭取澤中蒲
 土宇周諸父門廡魯一儒
 寒知河水細晴見泰山孤
 絃誦章縫滿歌謳里巷俱
 遙知行縣處五馬正踟蹰

花朝迴文

明金重佐

半春花浥露微醉客當筵喚鳥移林樹飛杯繞澗泉
亂簷鳴急雨揮袂帶輕烟斷石蒼藤護垂亭碧柳連
爛歌權向暮輝貌惜流年

卷石花山

明金重佐

洞庭遺片石淺翠倚深紅秀淨孤峰並巉巖小島同
寒沾垂柳雨晴拂落花風舉手移隨得迴身望忽窮
隕星還照葉栖燕慣依叢自有烟霞氣公然似華嵩

七月十五日暮登永安臺

明陳學潛

夕照當空歛嵯峨向晚登蒼蒼嵐氣積藹藹暮烟凝
或上鵝雙杵天邊渺一燈山高遲月色徑險倚蘿藤

暗水沿崖急踈鍾入谷仍何須愁路暝舉足躡雲層

初夏新晴

明陳學潛

翠袖輕烟斂青郊宿雨餘薰風飛絮盡暖日小荷舒
晒翼喧黃鳥翻波戲錦魚燭龍迴赤道神女息雲裾
未燥囊中瑟初乾案上書生憎殘溜落紅片滿堦除

恭題

宣廟御筆画花驄馬應

制

明莊履豐

章皇摘睿藻玉面寫花驄筆奪千年色圖翻八駿工
螭文來渥水霧鬣降房宮共詫真龍出便令九馬空
自矜能躡景一顧欲凌風帝遣留遺跡緬懷駕馭功

詩七言排律

姜相臺

宋呂造

陪鑿先請誅賊臣鸞臺繼入持洪鈞文石抗辭忤萬
乘武泥謫宦來七閩舊臺可認翠蘿薄餘基猶占蒼
岑新林際紅漿滴嘉菓岩中綠粉封踈筠煙松翻黃
徒偃蓋雨苔疊碧空成茵回首唐風不足振可憐滿
腹藏經綸

春陰長句次李司封古冲韻 明王慎中

冬令春行節序殊衝泥立馬歎窮途勞思江國傷蕙
柱旅食京華改柞榆碧動沙光歸雪篠青殘雨色入
平蕪閨人弱線脩春服禁草徐風搖夕鋪暖閣遷鶯
稀逢友定巢新燕故將雛西風爽氣來天地北闕浮
雲定有無世事自憐隨省騎吏情真擬問漁徒燕城
物候催遊子伏枕閑門肺病蘇

博士歐楨伯招飲繡佛齋魏季朗郭建初邵長
孺程無過存上人同集得家字 明黃克晦

四門已下先生榻雙樹因過大士家床上詩書連釋
部桁間袍帶襍袈裟踈簾映日垂垂白絳帳褰風故
故斜古調已知傾海內同聲猶自滿天涯冰河赤鯉
堆霜鱸火圃黃蔬煑綠芽社友舊曾期慧遠門生今

漢識侯芭酒中為壽身先起醉後留權輿轉賒落日
龍鍾扶上馬寒空蕭瑟數歸鴉陰沉九陌雲如葉颯
沓千林雪欲花為問何時還更約吟鞭早拂五城霞
詩 五言絕句

蜀門寄林蘊

唐歐陽詹

村步如延壽川原似福平無人相共識獨自故鄉情
張建封大夫奏系為校書郎因寄此作

唐秦系

久是烟霞客潭深釣得魚不知芸閣上遺校幾多書

十三歲戲荅清源牧

唐陳黯

玳瑁應難比班犀定不加天嫌未端正滿面與裝花

壺公山

唐翁承贊

井色斜連北蓬缺直倚東秋高岩溜白日上海波紅

效崔國輔體三首

唐韓偓

淡月照中庭海棠花自落獨立俯閑階風動秋千索
羅幕生春寒綉窓愁未眠南湖夜來雨應濕採蓮船
雨後碧苔院霜來紅葉樓閑堦上斜日鸚鵡伴人愁

鸚鵡

宋蔡確

鸚鵡言猶在琵琶事已非傷心瘴江水同渡不同歸

時貶新州侍兒名琵琶終焉鸚鵡甚慧公每扣響板鸚鵡傳呼其名琵琶卒後誤觸響板

鷓鴣猶傳呼不已公悒悒不樂而作是詩

金鷄渡

宋傅伯成

長江渺天末照此兩山青落日寒潮上蒼烟孤艇橫

姜相墳

宋傅伯成

三尺狐墳古秋風草自衰淒涼埋玉地想像逆鱗時

題憲師壁

宋僧法輝

遠浸溪光碧寒生松檜陰漁舟驚暮雨高吹入秋林

好酒

宋裴道人

好酒喫三盞好花插一枝商量今古事安樂是便宜

桐下井

元釋大圭

晚風吹銀床蕭蕭古桐樹時有新汲人餅携落花去

龜峰絕頂

元釋大圭

危石青入雲上有千歲木我來卧其間天風響巖谷

憶梅山隱者

元釋大圭

夢入青山去獨尋雲侶游依稀携手處月出石門秋

江晚

元釋大圭

長天鳥飛盡兩岸蘆花發何處一舟來清江上秋月

過高郵雜詠三首

元盧琦

飄蕭樹梢風浙瀝湖上雨不見打魚人菰蒲鴈初語
秋風吹白浪秋雨鳴敗荷平湖三十里過客感秋多

青原文獻 卷之三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十

白鷺愛秋水獨立仍自行得魚故偶爾驚起亦常情
贈太守之京

離筵對芳草去路遠青山日暮雙旌遠邦人拭淚看
此詩當時流布京邑人稱為二十字珠也

贈黃尹

明黃天爵

映日交庭草入懷拂樹風一官閒無事安坐撫枯桐

懷王志潔僉憲

明董澄

故友經年別思君日幾迴遙瞻閩隴月流照嶺東梅

暮春

明董澄

何處巧流鶯來宿花間語喃喃日叮嚀惟恐春色去

沙溪皇使君

明傅櫟

溪汀逢農父丁寧與使君邇年不得飽莫上東封文

携酒

明黃潤

携酒上秋山獨酌還獨坐亭外竹千竿天中月一箇

山居即事

明黃潤

山深塵事稀地僻幽懷愜讀罷黃庭經階前掃落葉

春暮

明莊一俊

春暮未應暮落花即是花祇愁鶯欲老常與醉為家

小居

明莊一俊

雀飲硯池水蝶翻菜圃花雖非高士宅終是野人家

四川茶

明莊一俊

蜀道移根日春風得意時不知西苑內亦有此花枝

送呂疊石大尹之藍山

明李愷

月明湘水綠日暮藍山青白鷺雲間下雙鳧天際鳴

偶作

明李愷

聞鶯聲已流折柳未盈把此日送東風何年歸故野

春日卧病寫懷

明康朗

春愁日種種庭草忽已長幽鳥時下來坐語柴門上

憶山中

明康朗

蘿薜簾櫳間泉石几床下洛客自不歸山中春復夏

示友人

明李奇俊

食淡豈曾酒風清不用錢空山天不碍角帽往來便

聽松軒獨坐

明黃伯善

鶴入松青破雲歸江白遙固知詩瘦我烟景不相饒

蠹書

明丁自申

芸臺深鎖篋魚蠹飽殘書怪爾偏知味吾衰媿不如

樵歌貽盧子明二首

明黃克晦

採薪入深林唱歌出幽谷樵歌非無辭辭古不可讀

千峰寒色高落日有餘映空谷元無人歌聲自相應

春行

明蕭騰鳳

薄書有餘暇春行到四郊白雲生樹杪宿雨滴花梢

寄夫

明姚烈婦

傷妾何薄命君死妾亦死留此未灰心相逢一時語

詩六言絕句

次韻題控巴臺詩書到爾爾宋李訖

誰道地拘偈仄須知天闕幽妍一段丹青臺閣何人

淡掃松煙

無題

元釋大圭

樹影半窓明月蟲聲一夜清秋我意浩然千古人間

總是閒愁

塘山詩

明蔣一俊

單馬洛橋遠道古樓春日芳草聽鶯何處歸來流水

鳴琴自好

見亭

明張志騰

一片青山雨後幾間茅屋橋頭寒鷺飛鷗點點白雲

流水悠悠

嚴子陵釣臺

明黃伯善

一官諫議辭漢千載溪山姓嚴釣石依稀似舊漁竿

寂寞誰拈

田園樂

明黃伯善

半谷茂林樵徑一溪流水漁磯漠漠松花釀酒翩翩
荷葉裁衣

北山精舍

明黃伯善

嚼蠟渾忘世味畫胎恐近時名小築北山精舍頻招
東郭先生

重遊江閣

明黃伯善

村醪重醉今日江閣同登去年蓬鬢東西作客青山
南北依然

田翁

明莊望梯

桑麻晚課兒孫租稅先完官府得芹莫說獻忠狀

設思易婦

詩七言絕句

延平劍潭

唐歐陽詹

想像精靈欲見難通津一去水漫漫空餘千載凌霜
色長與澄潭白日寒

梨嶺

唐歐陽詹

南北風烟即異方連峰危棧倚蒼蒼猿烟水偏高
處誰不沾衣望故鄉

高蓋山

在南安縣公母葬其下其山今尚號詩山

唐歐陽詹

按公集不載此詩而大明一統志有之韓文公哀詞謂公父母尚存此豈繼母耶

高蓋山前日影微
黃昏宿鳥傍林飛
墳前滴酒空垂
淚不見叮嚀
道早歸

即事呈韋郎中使君

唐秦系

久卧雲間已息機
青袍忽着野鷗飛
詩興到來無一事
郡中今有謝玄暉

時公試秘書省校書郎

答明惠上人房

唐秦系

簷前朝暮雨添花
八十真僧飯熟麻
入定幾時還出
定不知巢燕濕袈裟

答泉州薛播使君重陽日贈酒

唐秦系

欲強登高無力也
籬邊黃菊為誰開
共知不是潯陽

郡那得王弘送酒來

瀑布泉與唐宣宗皇帝聯句

唐黃蘗禪師

千巖萬壑不辭勞
遠看方知出處高
師溪澗豈能留

得住終歸大海作波濤

宣宗

帝微時武宗忌之遁跡為僧遊至同安夕陽山與師賦此

宮詞

唐韓偓

繡屏斜立正銷魂
侍女移燈掩殿門
燕子不歸花着
雨春風應自愁黃昏

荔枝三首

唐韓偓

還方不許貢珍奇
密詔惟教進荔枝
漢武碧桃爭比

得枉令東朔號偷兒

封開玉籠雞冠濕葉襯金盤雀頂鮮想得佳人微啓
齒翠釵先取一雙懸

巧裁霞片果神漿崖密天然有異香應是仙人金掌
露結成冰又積羅囊

咏燕獻主司

唐歐陽澣

翩翩雙燕畫堂開送古迎今幾萬迴長向春秋社前
後為誰歸去為誰來

塞下曲

唐周朴

石國胡兒向磧東愛吹橫笛引秋風夜來雲雨皆飛

月照平沙萬里空

戴雲山吟

唐釋智亮

人間謬說上天梯上萬千迴揔是迷曾似老人巖上
坐清風明月與心齊

農家

五代顏仁郁

夜半呼兒趁曉耕羸牛無力漸艱行時人不識農家
苦將謂田中穀自生

山居

五代顏仁郁

柏樹松陰覆竹齋罷燒藥竈縱高懷世間應少山閣
景雲遶青松水遶堦

大言詩

五代譚峭

線大長江扇大天履鞋拋在海東邊
世間多少閑垂
多盡在譚生拄杖間

之

五代詹敦仁

留侯受南唐節度使知郡事辟予為屬以詩謝
晉江江畔趁春風耕破雲山幾萬重
雨足一犁無外事使君何啻五侯封

遣子訪劉

五代詹敦仁

掃石耕山舊子真布衣草履自隨身
石崖壁立題詩處知是當年鳳閣人

乙仕閩為鳳閣舍人後隱安溪山咏詩有掃石雲隨帚耕山鳥傍牛之句

歸山吟

五代釋清豁

聚如浮沫散如雲聚不相將散不分入郭
當時君是我歸山今日我非君

題硯水詩

宋曾會

落筆重重見險津不堪憑杖洗埃塵
無波浪處生波浪愁殺孤帆過海人

鸚鵡

宋僧定諸

罩在金籠好羽儀分明喉舌似君稀
不須一向隨人語須信人心有是非

刺桐城

宋呂造

閩海雲霞遠刺桐往年城郭為誰封
鷓鴣啼困悲前事豈惹香銷減舊容

威惠廟

陳元光父子有功於閩而史闕焉

宋呂璫

當年平賊立殊勲時不旌賢事忍聞
唐史無人修列傳漳江有廟祀將軍

九日山精舍

宋呂夏卿

日暖江空水漲沙白雲平處見人家
獨憐此地重陽近柿葉傲霜菊有花

行田同安題康店舖

宋李邴

短衣自獵南山虎正如漁樵不亂群
妄以宿嫌誅醉尉令人翻恨李將軍

雙濟驛

泉州

宋陳知柔

村南村北放黃犢塢東塢西聞鷓鴣
麥熟田家飯自快梅殘野店鳥相呼

耕田

宋王真

耕田博飯未為辱為米折腰真可憐
高卧北窓風颯至更於何處覓神仙

西湖旗亭壁間

宋林外

藥爐丹竈舊生涯白雲深處是吾家
江城戀酒不歸

夫老却碧桃無限花

天漢橋

宋留正

霏霏細雨濕芝田灼灼桃花照水妍可惜洞門關不住
住彩虹天外看飛泉

武夷一曲

宋王克恭

一曲磯頭上小船道人指點過前川丹爐幾處無蹤
跡唯有深林鎖翠烟

勸農詩

宋留碩

春風勾引出郊行小隊迢迢草路平自嘆田蕪不歸
去三千里外勸人耕

題衢州客館

宋曾從龍

紅照西沉暫解鞍偶然假館豈求安新豐獨酌誰為
侶坐對窓前竹一竿

冲虛觀

宋留筠

金闕寥陽護九重洞雲呼吸紫霄通小臣近有祠官
詔欲問君王乞此宮

丹霞嶼

宋林宗臣

咲憑詩句說丹霞城郭人民數萬家禮接紫陽風俗
厚學傳東魯道源賒

蓮花山

宋林玘

天開五葉蓮花峰神龜引子巢其中千年皮骨老化
石玉色不與凡工同

夜起

元釋大圭

野人獨卧山中屋夜半雨聲清夢熟起來竹下一開
門秋入千峰月如玉

和用平懷南上人

元釋大圭

寒窓貝葉共平生聽盡燈前風雨聲今日悲涼只孤
坐殘編上見蠹魚行

聞杜宇

元釋大圭

情知望帝是前生春盡江南憶錦城到處青山山有

如何偏起故鄉情

歲成

元釋大圭

城郭無心寄一瓢此身便欲老山椒山童忽報松華
盡又逐扁舟上早潮

謝檄

元釋大圭

謝檄歸來卧白雲秬令心事與誰論故人不侶蒼苔
好歲晚青青一到門

簡郡守二首

元釋大圭

天子臨軒遣老臣亦憂塗炭遠方民秬應三載清如
水不涸天南一點塵

近日清聲不及初使君心事果何如盧公只作桃源
縣三載猶同一下車

登崖山題張弘範勒石後

明趙瑤

誰奪中華與外夷乾坤回首重勝悲鑄功奇石張弘
範不是胡兒是漢兒

漁父詞

明何祐

喜聽龍吟懶繫船釣絲風捲浪痕圓秋江月冷侵入
骨欲去蘆花藉醉眠

好惡吟

明鄭昭

生雖同好誰獨留死雖同惡誰獨免不如好惡付

忘一任浮雲自舒卷

寄舊知詩二絕

并序

明田崑

余守寶慶親老致郡行至渡頭見一老人偕妻子挽
車留泣曰公去吾民失望矣詰其姓名乃罷役老人
楊崇也少頃袖出一青柑跪獻道左且泣且送固辭
方歸因嘆曰我罪者猶不我怨方知直道不遠高子
羔剛者之事不誣口占謝之并將寫情二絕錄寄相
知

村氓揮淚挽歸驂踈懶誰知我不堪落日相看情不
盡慙慙更獻一青柑

清源文庸 卷之三
歸帆高掛楚江湄
潦倒乾坤信不羈
昔日淵明今我
是黃花秋至醉東籬

夜坐

明李源

茶煙燭影夜銷沉
相對高談淨客心
却笑党家風味
惡只將紅袖領春深

輓朱希孔

明王宣

山雨溪風亂釣磯
子規啼夜曉星稀
四更池水猶涵
照疑有詩魂詠月歸

武夷山

明莊一俊

轉經入山洞自斜
碧桃時結千年花
東風散與漁人

鎮笛飄來四五家

早起

明李愷

二月烟花翠欲流
一春伏枕未梳頭
忽聞黃鳥依人
語何處杜鵑送客愁

南園獨坐

明李愷

綠槐野樹繞南園
遲日紅花照酒尊
獨坐柴門無一
事自傷白髮暗消魂

過東林寺

明康朗

入門遠聽石泉聲
坐定時聞山鳥鳴
廬岳高僧誰復
在白雲作伴虎溪行

清源文獻 卷之三
夜泊昭平鎮即事

明康朗

荒草寒雲漢將營營中夜笛雜灘聲蠻雞啼盡江頭
白越客相看候月明

五坡哀文丞相

明康朗

月滿江城葉滿山南豐秋色五坡間故園賓客同時
死碧海旌旗何日還

過獻縣

明康朗

黑羊山下潯汜來丁字沽頭濟水迴煙樹數家秋壑
裹桑麻萬頃蓼花開

瑞香花

明莊應禎

香絕艷讀書臺香闌山茶艷闌梅却恠四時枝葉
好傲除霜雪待春開

寄太平節推應奎弟

明黃淑清

十月金溪秋菊天白衣未到葛巾邊分明想爾龍山
頂落帽誰家有萬年

萬年孟嘉之字

陳番南睡影

明黃淑清

五季干戈一枕間擔頭天子起華山陳橋厓海須臾
事公在夢中開咲顏

淮陰廟

明陳嘉猷

百戰有功成漢業全家無計見昇平將軍莫恨君恩

薄曾見甘心乞父羹

隙光

明鄧城

傭書光度一行斜誰遣輕虹引日華
細看清塵此中出也隨晴煦徧天涯

款乃歌七首

有引

明黃克晦

隆慶庚午秋余從大義渡入三山舟人蹋足舞手搖
櫓而歌徹夜因惜其詞旨淺薄製茲七首蓋託興寄
聲古人不廢無暇論其足傳與否也

五虎山如五虎蹲盡對無諸舊國門
無諸去後山空在秋草蕭蕭日又昏

微茫星月下江鄉三十六灣江水長
夜半舟人相問好風日出到洪塘

靈山廟梳越江臯中使三年一換袍
神去神來不見滿江風雨浪頭高

渡頭相送泪沾衣日暮相思不下幃
潮水莫言還有信渡船兩日一回歸

南堤楊柳北堤榆新樹成陰舊樹枯
所恨相逢俱窈窕悔將薄倖怨狂夫

苦竹渡邊苦竹枝常思嶺下常思誰
奴自不言誰得會江風江雨自應知

越王城裏九江分只見三峰翠入雲山下有山看不
得奴從何處可逢君

藍關

明陳紹功

黃沙不改開雲後綠水猶疑祭鱷還今日旅遊尋故
事瀟瀟風雨滿藍關

調

立春 小重山

宋李邴

誰勸東風臘裏來不知天待雪惱江梅東郊春色尚
徘徊雙絲燕飛傍鬢雲堆 玉冷曉粧臺宜春金縷
尚拂香腮紅羅先繡踏青鞋春猶淺花信更須催

中秋月 念奴嬌

宋李邴

素光練靜映秋山隱隱修眉橫綠鳩鵲樓高天似水
碧瓦寒生銀粟萬丈斜輝奔雲湧霧飛過廬仝屋更
無塵氣滿庭風碎梧竹 誰念鶴髮仙翁當年曾共
想紫巘飛瀑對影三人聊痛飲一洗離愁千斛斗轉
參橫翩然歸去萬里騎黃鵠滿天霜曉叫雲吹斷橫
玉

觀星詞 水調歌頭

宋王識

一雨洗空閣象緯逼人清披襟臺上細看北斗在璇
衡知是南宮列宿初出極星未遠龍角正分明河漢

餘千里風露已三更坐來久書帙散酒壺傾涼生殿
閣冷然邀我御風行擬欲乘槎一問但得天孫領略
安用訪君平莫笑儒生事造化掌中生

吳江垂虹橋

洞仙歌

宋林外

飛梁壓水虹影澄清曉橘里魚村半煙草嘆今來古
往物換人非天地裡惟有江山不老 雨中風帽四
海誰知我一劍橫空幾番過按玉龍嘶未斷月冷波
寒歸去也林屋洞門無鎖認雲屏煙障是吾廬任猶
地蒼苔年年不掃按公工詩詞遊太學時過吳江題
此以為不食煙火語

諸公過賞芙蓉即席勸飲

賣花聲

明王慎中

美酒斗十千更對花前芳樽肯放手中閒起舞酬花
花不語似解人憐 不醉莫言還請看枝間已飄一
片減嬋娟花落明年猶自好可惜朱顏

釣叟 臨江仙

明江一鯉

好江州楊柳綠釣竿日暮未收落花流水自春秋
利名釣上餌箬笠一孤舟 不計得魚多和少放狂
濯足歌謳眉頭不掛古今愁蓬鬆飛白雪心事問沙

鷗

舟中對景

少年遊

明秦舜藩

西風愁起綠波間樹枯翠葉殘寒鴉點點行雲片片
零落不勝看 僊棹往來人笑語閑倚欄干一樽河
朔三曲陽關唱徹玉笙寒

偈頌

元和三年示戒偈

唐釋懷暉

至理亡言時人不悉強習他事以為功能不知自性
元非塵境是箇微妙大解脫門所有鑒覺不染不礙
如是光明未曾休廢曩劫至今固無變易猶如日輪
遠近斯照雖及衆色不與一切和合靈燭妙明非假
鍊為不了故取於物象但如捏目妄起空華徒自

疲勞枉經劫數若能返照無第二人舉措施為不虧
實相

示化偈

唐釋無了

八十年来辨西東如今不要白頭翁非長非短非大
小還與諸人性相同

示執坐禪者

唐釋省脩

大道分明絕點塵何須長坐始相親遇緣儻解無非
是處憤那能有故新散誕肯齊支遁侶逍遙曷與慧
休鄰或遊泉石或闌闌可謂煙霞物外人

答僧來問心要

五代釋法騫

昨日相逢序起居今朝相見事還如如何却覓呈心
要心要如何特地踈

上堂偈

五代釋行言

此日英賢共會海衆同臻諒惟佛法之趣無不備矣
若是英鑒之者不須待言也然言之本無何以默矣
是以森羅萬象諸佛洪源顯明則海印光澄冥昧則
情迷自惑苟非通心上士逸格高人則何以於諸塵
中發揚妙極卷舒物象縱奪森羅示生非生應滅非
滅生滅洞已乃曰真常言假則影散千途論真則一
空絕跡豈可以有無生滅而計之者哉

佛偈

宋釋道英

南北東西任險巖古巖寒檜冷依依無人到我經行
地明月清風付與誰

寄慈明禪師偈

宋釋谷泉

相別而今又半年不知誰共對談禪一般秀色湘山
裏汝自匡徒我自眠

蒼馮居士偈

宋尼無著

一葉扁舟泛渺茫呈橈舞棹別宮商雲山海月都拋
却贏得莊周蝶夢長

抽燈偈

宋僧法輝

分明坐裡見身光迥迥虛明照四方復見身於光裡
現身將光相不相妨凡聖共同真去處非凡非聖莫
思量

諸善知識開堂于半嶺精舍澄坐普叅之外勤
誦經典為此作頌

明王慎中

認取鼻識香不在鼻認取意識香不知意作虛空取
虛空無氣何如刻却鼻頭聞與不聞無二釋迦賺却
阿難阿難枉垂悲淚

右燒香頌

會念經人滿口讚佛不會念經人滿口謗佛是會念
經人一字不記不是會念人以腹為筭是不是會不

會且置且道縉中是有字無字

右誦經頌

清源文獻卷之三終

清源文獻卷之四

明 郡人前靖江教諭何 炯纂輯
知泉州府事新安程朝京選刻

制

西蕃邈川首領阿里骨加食邑制

宋蘇頌

祭有十倫之義施爵賞以為先福者百順之名本忠
孝之自出朕祗被陽館崇嚴禰宮配神穹昊之尊流
澤幅員之廣嘉與卿士同茲慶休便蕃優渥之恩因
無内外之異告于朝采布乃言綸西蕃邈川首領

西軍節度涼州管內觀察處置押蕃落等使金紫光祿大夫檢校太保持節涼州刺史上柱國寧塞郡國公阿里骨生有軼材少負偉略稟天地之義氣得秦豳之遺風奠塞外之封疆繼承列土擁河西之旌鉞坐護諸羗長雄一方作我西屏屬九筵之講禮盛四海之駿奔來獻其琛實相予祀是用加命王公之數視秩帝傳之崇增并賦於爰田廣國租於真食於戲爾有時享歲貢之恪史不絕書我有餘神觀政之方惠必及下既均承於純嘏宜益厲於忠規徃服訓言克享天祿

勅

皇族出官勅

宋蘇頌

自我祖宗惇叙邦族大則疏封於爵土次則通籍於闈臺普集京師參奉朝請然而世緒寢遠皇枝益蕃屬有親疎則恩有隆殺才有賢否則祿有輕重今而一貫於周行是亦奚分於流別雖睦婣之道誠廣而德施之義未周故廷臣數言宰司繼請謂宜定正限以等彝朕惟親戚之間經史有訓漢唐之世典故具存或以九族辨尊卑或以五宗紀遠近或聽推恩而分子弟或許自試而効才能或宗子之賢得從科舉

或諸王之女自主婚姻畫前世之所行顧當今之未
備况我朝制作動法先王豈宗室等衰反無定著因
俾群工之合議將為一代之通規載覽奏封具陳條
目以謂祖宗昭穆宜從世世之封王公子孫抑有親
親之義若乃服屬之既竭泊于材藝之並優在隨器
以甄揚使當官而勉懋至於任子之令通昏之儀凡
曰有司之常一用外官之法僉言既允朕意何疑告
於將來遂頒明命噫自義率祖既殊升降之文因時
制宜斯盡變通之利咨爾宗盟之衆固多博識之倫
奉承新書當體朕意

誥

丞相趙汝愚嘉定元年追復觀文殿大學士

少保誥

宋楊炳

人主以天地為心刑賞率歸於忠厚大臣與國家同
體死生當極於哀榮念飾終之未周每懷舊而有感
具官趙某系聯屬籍名冠儒科陪淳熙侍從之班受
先帝樞機之寄肆朕初政擢登宰司中因議論之交
騰遂使寵章之久闕仰念祖宗之法每隆輔相之恩
苟有過焉常遷就而為之諱逮其亡也必惻怛而致
其情繫我後人敢忘此意矧勵精而更化方建極以

用中凡海內之群才舉無終棄豈地下之一老顧使
獨遺爰追錫於篆車以流光於壤戶噫朝而日送尚
思加禮於絳侯見若毛生寧忍少恩於德裕塋魂不
泯明渥其歆

表

獻漳泉兩郡表

宋陳洪進

臣聞峻極者山也增汙壤而不辭無私者日也雖覆
盆而必照顧惟遐僻尚隔聲名願歸益地之圖輒露
由衷之請臣所領兩郡僻在一隅自浙右未歸金陵
偏霸臣以崎嶇千里之地疲散萬餘之兵望雲就日

雖勤畏首畏尾之不暇遂從間道遠貢赤誠願
事大之心庶齒附庸之末太祖皇帝賜之軍額授以
節旄俾專達於一方復延賞於三世祖父荷漏泉之
澤子弟享列土之榮祭戟在門龜綬盈室雖冠列藩
之寵未修肆覲之儀暨江表底平先皇厭世會嬰犬
馬之病尚阻雲龍之庭皇帝陛下欽嗣丕基誕敷景
命臣遠辭海嶠入覲天墀獲親咫尺之顏疊被便蕃
之澤六飛遊幸每奉屬車之塵三殿宴嬉屢挹大罇
之味旬浹之內雨露駢臻至於童男亦荷殊獎恩榮
若此報效何階志益戀於君軒心遂忘於墻井臣

勝大願願以所掌漳泉兩郡獻于有司使區區負海之邦遂爲內地蚩蚩生齒之類得見太平伏望聖慈授臣近地別鎮臣男文顯等早膺朝獎皆忝郡符牙校賓僚久經驅策各希玄造稍霽鴻私

進嘉祐編勅表

宋韓琦

臣琦等言恭聞古先哲王議事以制刑不爲辟蓋人情萬端法制一定持一定之法而制萬端之情欲輕重得宜古今無易不其難哉國家睿聖相繼承平百革立法本通務歸至當故自建隆以來迄于慶曆之初民詔令所下綱條既繁則必建局命官一加刪定

者豈欲紛更而數變哉亦慮乎執定制而失人情也今之論次所付匪輕夙夜以思懼不稱職臣竊以律設大法不能委曲而生意國用中典至於治平而後詳上既極於哀矜下無容於壅塞凡於闕漏皆得指陳前書之載或疎後令之明寔密平亭差惑抵牾且多觸禁之民幾不知其所避舞文之吏足緣之而爲奸不有刊裁詎能永久恭惟皇帝陛下法天任德本道無爲恢陶唐畫象之仁隆天乙弛罟之惠永惟庶俗期底大中謂制禮以禁未然豈嘗忘教明刑而使無犯自亦知方顧茲請比之文日益煩苛之弊凡闕

之盈難於徧睹錐刀之末虞乎盡爭時合當更改其先務乃詔臣等特新編葺得盡詳度於是取慶曆編勅暨嘉祐三年終以前續降條貫凡四千三十一道求中而議就約以書存所便安汰其重複至於名篇而附律先例以舉凡會數勅而同一科參舊文而發新意事並出則分從其類禁當立則特為之條皆明著大防稽合前式臣等又以四海之廣獨見莫周雖當局之勤謂所思之已至及約情而用或在理以猶差必欲成本朝之善經固當今天下之公論首祈博訪亟奉俞音果衆說之畢伸亦寸長而備採復詳慶曆編勅每條之後必書元降宣勅年月雖云舊體其實煩文今並改注於目錄逐條之下以從簡便又刑統所附諸勅及參詳條件凡一百三十四道事雜前朝率多衝改審核之際典者為勞今取其見今可行者已入逐門收載外其刑統內諸勅并參詳條件伏請更不行用應中書樞密院聖旨劄子批狀合行編錄者悉改為宣勅共刪修成一千八百三十四條離為一十二卷內有條目繁多者即分為上中下共一十八卷總例一卷目錄五卷凡勅內但行束約不立刑名事理輕者析為續附令勅三卷目錄一卷犯者

止從違令之坐及錄到慶曆四年正月一日後來赦書德音二卷總三十卷合為一部如得允當即乞特降勅命與刑統律令格式及建隆以來赦書德音天聖中先編附令勅並行其慶曆編勅及慶曆續附令勅并嘉祐三年終以前應係海行條貫今來已編載外各更不行用四年正月一日後續降自為後勅施行自來權茶之法今已刪除其通商之後所立條約自從詳定茶法所條次頒降應未降新嘉祐編勅以前已用舊勅斷遣與奪過公事不在援引新勅訴理之限其一司一務一路一州一縣并在京海行及三

司見行條貫自依逐處元編定及續勅條行用外內有條新編勅無載與逐司舊制不同者並依新編勅處分蓋以敦崇寬大蠲滌細微較然使其易知欽哉本乎惟恤譬夫江河紀地狎玩者誠稀震曜發天威明之共仰其或多方謹飭庶務持循臨文參考於治宜決事深求於法意自然訟平以息氣感而和能致太平豈獨稱於周禮終成徽幸茲奚取於鄭書臣等道鄙少恩志希無害被詔徒知於竭慮訖功殊愧於淹期或許頒行仍乞以嘉祐詳定編勅為目其新編勅等共三十卷謹隨表上進以聞

謝知制誥表

宋韓琦

臣某言伏奉制命特授臣依前起居舍人知制誥者青蒲獻議曾微補衮之勤黃闈程文俄玷演綸之任省譟材之無狀顧成命之已行荷寵兼常撫躬增厲中謝竊以禁局清切居官為榮帝制坦明作訓攸重向匪機靈敏給才辯高竒善循四禁之規雅擅一時之譽則何以徊翔近掖宣暢鴻猷雍容侍從之聯振復典謨之體宜甄時望以協朝會如臣者緒迹至孤器姿無取幼奉楹書之誨早親童蒙之工幸對聖期復玷辭等藩條闕決罔詳施教之宜儒館並游寢

自材之化擢贊尹京之治易參司會之煩首功則藉效誠寡庖鋒不振奚彰批窾之能阮族甚貧遂有出麾之志輒露抗章之請方諧為郡之行伏遇尊號皇帝陛下開道求言勵精修政俾停使竹之授留責諫囊之忠越被恩升力思毗益每弗虞於禁忌始自竭於愚駑物論皆危天意無忤建歲勞之三易微冗見之一長豈謂聖度包荒宸襟采善俾泐科選之舊進居辭職之崇躍龍鳳之池亟塵清貫漸鴻鸞之黨榮厠寵班敢不磨鈍忘疲脩方匪懈誥令之出勉追深厚之風名節所持靡蹈諛邪之徑庶盡捐軀之報

仰酬當宸之仁

謝復官表

宋韓琦

臣某言九月二十七日樞密院遞到告敕各一道伏蒙聖慈授臣起居舍人者謀軍而敗獲罪當然使過以恩勸功斯在寵光所暨媿慄無從中謝伏念臣稟賦顛庸緒迹寒替偶緣末學誤中甲科驟歷榮階繼塵劇任奉身以直居職惟公逐巧者目為愚夫養高者謂之俗吏出於聖鑒擢備諫負荷寵既深獻誠必盡屢刺權豪之失不虞家族之危仰恃含容僅逃放逐逮易官於注筆旋書命於詞垣自右蜀告饑高叙

將荐驅使傳親諭國靈有利輒言無疵不去所期還闕少遂息肩朝廷以未殄賊巢方開帥府進預樞機之直俾參經畫之權雖兵旅之宜素非習鍊而人臣之節當冒險艱拜命引塗忘軀徇難周旋邊徼蒙犯雪霜薦賞武材則罷懦者皆忌激揚忠憤則苟且者如讎一昨平涼之西酋虜來寇臣聚師以待定謀而行偏校爭先弗遵於節度衆寡莫敵終及於撓亡讒胥競搖怨府交發諍臣論事亦謂當誅宸眷念勤獨明非謬止從削秩尚委典城惟茲天水之雄式控隴關之要氏羌雜處輿賦甚繁臣寢不及時食忘其

味力圖後效勉贖前辜重裘禦寒姑自脩而作誠積
毀銷骨實衆口之未平不謂睿聽通微宸襟錄舊特
申昭洗亟復舊聯顧藁質之再生諒煩言之寢弭斯
益伏遇尊號皇帝陛下體天育物以器任人謂獵犬
無功匪自指縱之誤覆盆委照遽開日月之明庶今
負釁之臣得遂棄瑕之用敢不精研策慮謹布教條
明斥埃以謹邊勵貔貅而禦侮叔桑榆之末或振翼
之可期竭犬馬之誠誓填壑之為報

謝除使相判相州表

宋韓琦

率職隳功莫副宵衣之治鄉邦得請重叨畫錦之行

被恩典之特優顧人言而甚愧伏念臣早由科第遂

躋寵榮不圖翰墨之進身自竭涓塵而報國備負諫

諍幾不免於竄投奮命圍疆實荐罹於艱阻獨恃聖

神之眷惟開援助之言仁宗皇帝知其守以孤忠謂

可屬於大事慶曆之始已擢貳於樞機嘉祐之中乃

進登於宰輔俄膺顯任益荷殊知當英廟之承祧逮

聖人之嗣服稠重遭會罄竭愚庸惟知社稷之安豈

顧家宗之末然而萬微多務一紀妨賢爲國持平敢

自私於輕重裁人所慾固難免於愛憎加疾疹之嬰

纏苦形神之耗敝勉訖因山之禮懇陳上印之宜伏

蒙陛下念犬馬之力易衰廓日月之明爲照不罪再三之請亟垂開可之音進秩地官剖符粉社建高牙之重既疏淮海之封增故里之光仍襲貂蟬之舊叨塵之甚今古疇偕敢不思盡瘁於寢興泯寘懷於內外在邊在庭之責惟驅策以當前益堅益壯之心至糜捐而後已

淮南轉運使謝表

宋蘇頌

贊畫甘泉久玷三臺之末觀風淮甸驟陞數使之榮朝寄匪輕地望無重愧非才選靡稱厥官姑謹詔期趣行所部寵靈所被畏惕非常竊以州郡備官所以

分釐於民務朝廷遣使所以宣布於主恩付一遵之事權用六條而舉察賦輿出納俾以均輸吏治否臧責之薦黜自匪絲更於事任詎能振肅於治綱若臣者才不足以適時慮不足以經遠偶緣資級之例得從選用之階始自書坊出分使竹俄從褰服入佐計籌粗收歲月之勞蔑著毫分之效豈謂重遇皇帝陛下察庶工之任使矜久職之良勤拔於省僚受以利柄矧惟清海之郡寔楹東南之衝昔號輿區今逢樂歲五稼盈疇而遂茂四人勤力以厚生料乎漕運之程無煩趣辦之急惟當敷宣惠澤通究物情編齊之

利病可更立求其本刑政之重輕或失當適其中止
期靖嘉少稱論擇若乃事體貌以為風采盡銖兩以
歛民財顧在懦愚誠多闕畧重念上慈天覆聖治日
新官無內外之殊事悉憂勤之繫昨臣受任之始獲
面於清光陛下臨遣之言曲加於勉諭自省最為於
疎遠何圖亦記於淵衷豈非以委任之優故特示拊
循之厚雖乾坤平施非報謝之可言而犬馬微生第
勤勞而思奮儻驅馳之有用期終始以無渝

右僕射待罪表

宋蘇頌

恩深厚仰戴曷勝孤迹兢危傍徨靡所切以率爾

大任率百官人望所歸則論議行而必備物不
與則名器輕而易搖而臣猥以朴愚誤蒙任使上不
能謨明國體以熙庶工下不能甄別人才以協衆望
謨朝有遣擢髮寧窮致招人言上黷天聽名一誅於
自簡罪當賞於冊書雖二聖覆之如天未令投迹於
四裔而群言謂其失職豈宜包羞於近班是以屢貢
封章冒塵旋繯再紆中札曲諭宸衷捧詔驚惶重自
思省本欲便祈於歸老厲茲方負於罪辜儻布懇誠
懼為僭越在臣進退之分敢計重輕於國廢置之間
實關勸沮伏望太皇太后陛下皇帝陛下矜憐甚顛

本無他腸案舉嚴科亟行幽黜一則安全於介拙尚
保餘生一則厭息於煩言遂清朝路

進四明尊堯集表

宋陳瓘

臣竊以誠畝愛君精誠雖至芻蕘議政迂濶難行葵
向不習而常傾芹陋敢期於清獻獨因春斷許貢危
衷中謝伏念臣糞土下材犬馬賤質數罪固多於擢
髮舍生無意於魚魚初欲糜捐終難緘默固續前言
之緒聊輸垂絕之忠非敢有善善惡惡之辭但欲明
尊尊卑卑之義此螻蟻所能知也在縉紳安可藐然
八十卷之私書奪此與彼十九年之懿績可從而

墮下於繼述之初首辨明於茲事微臣持將順之志
在流竄而靡忘鋪張痛詆之言編類辱誣之語初謂
熙寧之輔不媿有商之臣於成湯敢肆厥欺疑安石
有所弗忍及究觀於懟筆始粗見其游辭因思大典
之久誣益頽忘軀而往訴合浦十論申舊疏之餘言
四明八門撮其要於一序實欲彰火德之盛不敢畏
王氏之強寧碎首於邦誅忍謗心於國是彼效尤於
往轍亦苟逞於陳編難以縷闕略舉綱要謂藝祖溫
誅無罪謂真宗矯誣上天訕薄裕陵攘奪先美以托
訓為箝口之術以歸過爲自譽之媒但矜詆訾之極

工周顧威靈之如在幾乎罵矣豈不痛哉讀其書寧
忍終篇稽其文可為流涕代言之筆盡目其徒為儒
宗首善之宮肇望其形為坐像禮官舞禮而行諳吏
書獻佞而請觀光乎仲尼乃子雲聖父之贊比諸孔
子實下等輕君之情彼衰周之僻王棄真儒之將聖
當時不得配太廟之饗後世所以廣上下之祠今比
安石為欽王之臣則方神考為何代之主又况一人
幸學列辟班隨至尊拜伏於爐前故臣驕倨而坐視
百官氣鬱多士心寒自有華夏以來無此悖倒之禮
神考之再相安石始終不過乎九年安石之屏跡金
陵棄置不召者十載八字威加於鄧綰萬機運於
元豐豈可於善述之時忽崇此不遜之像因壞先朝
三舍之法遂費今日千倍之財人材之可擢不殊國
用之添費徒廣浚吾民之膏血增彼像之精神美成
其私怨集于國陸贄顛之喻承業以財盡為憂忠
哉古人愛君之誠異乎今日養士之意又况臨川之
所學不以春秋為可行謂天子有北面之儀謂君臣
有送賓之禮禮儀如彼名分若何此乃衰世侮君之
非豈是先王訪道之法贛川舊學記刊于四紀之前
辟水新廡像成於一壻之手唱如聲召應若響隨使

王氏浸至於強梁乃元祐助發其氣焰昔宣仁權國之際謂介甫節行甚高宜贈崇官仍加美謚司馬光書之于簡呂公著行之於朝不以稽散為心徒發鎮浮之議負安后者重加黜責欺神考者畧不誰何遂至於枝蔓而難圖豈非由偏助之太過雖當時未見誣史而先朝自有聖批恬不奉行養成乖悖蒙蔽裕陵之衆美眩耀鍾山之一書四輔之行謀畫本生於目錄三衛之設規模初定於新經密密乎鄧蹇之安排草草乎求摠之傳授考其音聲則篋唱而墮和譬諸手足則左弱而右強凝若冰山烈若原火愚公老矣蓋擊平險之心精衛眇然未合填波之願歿而後已志不可渝望雖隔於戴盆夢不忘於馳闕丹誠上格天語遙詢要觀尊主之恭緩議奸時之罪淵冰在念臬礫寧逃恭惟皇帝陛下天大普容日明徧照覽熙豐記動之史倣虞夏採詩之官咨輿議於多方證私書之百毀舜篡堯緒孜孜乎善繼之勤武廣文聲斤斤乎丕承之美茲所謂一人之慶可以得萬國之歡凡有識知孰不將順天地尊卑之已定首足上下之宜分孔志在乎春秋漢律嚴於名分戴上者皆知此義尊堯者豈獨臣書燕馬以市骨為先鬻驥者必

將來矣鄭校決防川之壅有舌者其忍默乎臣命可
危眾口難遏伏望皇帝陛下念臣役志於享上憫臣
積禍於敢恭以尺朽之廢材貢一得之愚慮言多妄
發事則有稽宣宗當紹憲之時寧容德裕之奪語武
帝以述景為事忍視馬遷之短辭父子至情古今一
揆不懲謗史之辜則何以謝過於宗廟不毀坐像之
悖則何以示順於華夷國是方強勢難遽改大器至
重要在深思庶乎苗莠之分始於冠履之辨至美成
於剛健大患生乎因循儒宗數人自是一家之說聖
主獨斷乃為我宋之休天心薦慶之甚明人情金甌
而有待解神考在天之怒成聖主奉先之仁克果斷
於蔡方人將大覺善光揚於堯績上可無為於一顰
一笑之中成允文允武之業臣將獻駿惠太平之頌
豈特進狂簡不裁之書冒臆無竒但盡恭於文字筋
骸已憊當致命於君親仰酬再造之恩退聽一成之
議闔門待盡殞首知歸

台州羈管謝表

宋陳瓘

奉聖旨陳瓘自撰尊堯集語言無緒盡係詆誣不行
毀棄送與張商英意要行用特勤停送台州羈管令
本州當職官常切覺察不得放出州城月具存在申

尚書省臣即時望闕謝恩發離本家水陸兼行不敢
住滯今於十一月初十日已到台州城內者猷畝之
志一書可通藹蕘之言萬里不隔集群辭而上達遭
一覽以爲榮竄路雖遙陳情已畢中謝伏念臣材如
糞土身若梗蓬非敢以著書爲能所陳者戴君之義
如詆誣之不可志在尊堯豈行用之敢私心惟助舜
語言無緒議論至迂獨歸美於先猷遂大違於國是
不行毀棄有誤咨詢虛消十載之光陰靡恤一門之
溝壑果煩揆路特建刑章若非特庇於九重安得延
齡於再造由淮入浙自通至台怒濤雖阻於重江毒
澤幸殊於五嶺尚留頂踵獨賴君親此蓋伏遇皇
陛下天地并容日月洞照以至慈而善貸推觀過之
深仁憫此顛隳欲其存在以身償怨螻蟻之命至微
狗國捐生犬馬之心未替夢馳丹闕目想清光重干
摧髮之誅徒鬱戴盆之望餘生易捨大德難酬

謝賜謚先臣忠宣表

宋留鑄

先臣盡瘁嘗歷輔於三朝盛代尊名特並稱於二行
恩放當宁感謚闔門臣中謝竊以六家之作以寓表
懲一字之加不渝褒貶疇故庸而錫嘉號厥有彛章
軫遺老而侈殊封允爲異數未有寵卹洵申於明命

湮淪載發於幽光極鋪張追往之榮示風勵後來之
勸伏念先臣奮身䟽迹值世休明從乾道之屬車分
憂藩翰贊淳熙之禪詔獨相終始內洽穆於三宮外
調虞於萬務剴切之牘隨削今復幾存安危之幾攸
關後將有考視險夷而一致甘燥濕之百羅維時先
皇毓德嘉邸參諸前代採漢家三月豫建之文訂以
本朝撫思誨諸臣奏請之語累形手䟽屢罄面陳暨
光廟之鑒衷堅助聖摹之決適福建之俄服遂稽盛
典之行退惟餽覆之不堪進思袞闕之莫補方效辛
毗引裾之諫遽嗟帝鴻成鼎之迎六奏建儲蓋舉先

年之定議一時攝禮欲存萬世之常經屬聖體未即
於清安致俞旨亦因而猶豫逮祈哀而垂許紛異論
以他從觀遜辭大寶之王言豈寧考得已之意力存
護兩朝之孝治乃先臣無二之心繇結知明主於生
平斯稔嫉群奸而幾死賴曲全於聖世獲歸沒於窮
閭幸際丁辰著稱甲令惟有虞摠高辛才子之德謂
之八元故我宋易范公純仁之名節以一惠彰善不
畜於今日匹休俾繼于昔人茲蓋伏遇皇帝陛下振
勵群工作興庶事將丕剔於茂烈復濟雋畝爰加賁
於故臣並隆曲澤寫奕繚綸之播晶瑩簡冊之傳臣

最爾孤蹤承茲遺緒夙叨分於郎被曾濫綴於朝紳
垂白暮年焚香先隴瞻已陳之宰木頓沾雨露之新
諒不死之忠魂恍附風雲之舊

狀元率諸進士謝表

宋曾從龍

龍飛在御欣逢晉接之初鵠立承恩叨預品科之列
省微躬而匪稱荷帝遇以難堪臣中謝伏念臣等脫
出窮鄉達遭休運粗承師訓淵源之末豈知時政損
益之宜奉大對之若驚愧袞闕之無補萬虞沙汰乃
玷甄收茲蓋伏遇皇帝陛下稟舜文明法禹勤儉務
兢業於持盈守成之際示寬大於通道求諫之時

才卓爾不群之材以副裒然舉首之選偶愚忠之見
錄實嘉會之難逢臣等敢不精白承休激昂立節上
晁董之對際時無愧於古人合稷契之忠報國願從
於今日

賀冊皇后表

宋傅伯壽

離日麗天休益縣於寶祚軒星著象位宜正於璿宮
大冊渙揚群情欣抃恭惟皇帝陛下懋昭聖德克謹
化源念宵旰憂勤妙幹萬機之務而夙夜警戒實闕
中壺之賢爰登天作之良用即坤承之重新二南之
風教揭四海之儀刑臣假守藩藩欽聞盛典以婦道

率下既追美於葛覃願聖人多男尚伸虔於華祝

進大學衍義補表

明丘濬

國子監掌監事禮部右侍郎臣丘濬誠惶誠懼稽首頓首上言伏以持世立教在六經而撮其要於大學明德新民有八目而收其功於治平舉德義而措之於事為酌古道而施之於今政衍先儒之餘義補聖治之極功惟知罄獻芹之誠罔暇顧續貂之誚原夫一經十傳乃聖人全體大用之書分為三綱八條實學者修己治人之要章句既有以大明聖蘊衍義又所以上格君心書雖成於前朝道則行於今代惟

太祖之建極嘗大書於殿壁之間暨

列聖之

基屢聽講於經筵之上既已致夫雍熙泰和之治一

皆本乎躬行心得之餘善推所為者固無俟乎盡言

欲全其功者亦須補其闕畧竊觀衍義之四要尚遺

治平之二條雖曰舉而措之為無難不若成而全之

為盡善况有其體則有其用既成乎已當成乎人理

固無一之可遺功豈有一之可闕善法不能以徒舉

本末則貴乎兼該每當繙閱之時輒起編劑之念顧

一人之見聞有限而天下之事體多端居一室而料

度乎四方據已私而折衷乎衆務亦固知其不可猶

強為其所難是蓋一念區區報國之忠抑亦平生孜孜為學之志是以頓忘下賤僭效前脩豈不知妄擬非倫竊亦欲薄陳所見念惟天下之大其本在於一身人心之微其用散於萬事一物有一物之用一方有一方之宜所以化之者固本於身所以處之者各有其道事皆有理必事事皆得其宜人各有心須人不拂所欲伊欲處之適當其可必先講之務盡其詳考古以證今隨時而應用積小以成其大補偏以足其全巨細精粗而曲折周詳前後左右而均齊方正于以衍治國平均天下之義用以收格致誠正齊之功舉本末而有始有終合內外而無餘無欠必底於聖神功化之極庶以見夫大學體用之全體例悉準於前書模範用垂於後學稽聖經訂賢傳別取無遺紀善行述嘉言蒐求罔棄附以管中之所見覲於目下之可行俯竭涓塵之微仰裨海嶽之大茲蓋伏遇 皇帝陛下睿智有臨剛明不惑學古訓而獲大道慎儉德以懷永圖蚤毓德於青宮服膺大訓時潛心於黃卷玩味聖經開導盡忠益之言體驗極擴充之力每躬行而實踐恒日就以月將仁孝之德孚于宮闈元良之聲播于函夏一旦承天而踐祚

萬邦仰德以歸心大志風成適符漢宣登極之歲小
葵求助肇啓周成訪落之心首深究於大猷亟恢弘
於至治凡新政之大有建置皆舊學之素所講明廣
充格致誠正之功臻修齊治平之效太平之治端可
計日而待也臣濬下愚陋質荒陬孤生生世無寸長
頗留心於扶世讀書有一得輒妄意以著書固非虞
卿之窮愁亦匪真氏之去位猥以官居三品慚厚祿
以何禪年近七旬惜餘齡之無幾一生仕宦不出國
門六轉官階皆司文墨莫試蒞政臨民之技徒懷愛
慕憂國之心竭平生之精力始克成編恐無用之陳

言終將覆瓿幸際朝廷更化中外肅清總攝綱二
新政務僥得徹九重之聽取以備一夜之觀采於十
百之中用其二三之策未必無補於當世亦或有取
於後人民物於是一新世道茲焉復古好所好惡所
惡一人永子育乎兆民賢其賢親其親四海咸尊戴
於萬世臣干冒天威無任激勗營之至臣所撰到大
學衍義補一百六十卷補前書一卷并目錄三卷共
成四十帙謹奉表隨進以聞

賀立中宮表

明薛天華

伏以主聖握符秉乾剛而宰治於外母儀作配協坤

順以贊政于中光虞之化以昭翼周之基再啓禮承
宗社喜溢臣隣恭惟 皇帝陛下堯仁舜孝禹儉
湯寬秉一德以紹天休家邦並御端化原以立人極
宮壺是先王風成於麟趾關雉黃琮之禮既備帝業
隆于鷄鳴昧旦蒼籙之兆益昌蓋函夏莫不尊親而
九圍允若父母者也臣等職守粵陬心懸魏闕欣值
兩儀生成之合瑞多男每祝於華封幸沾元始覆載
之新恩萬歲遙呼于虎拜

露布

閣試嶺西大捷露布

明莊履豐

臣聞天燾萬類發生與震肅並施帝御羣方膺穰將
撫綏齊耀武雖無黷師則有征鬼方三年命實申於
殷誥太原六月績載詠于周詩蓋將以討醜類之不
庭而亦以佐威靈之未暨我國家乾坤再造夷夏咸
共千百年未有之輿圖歸其統馭億萬載無疆之曆
服屬此奠安恭惟 皇帝陛下錫智勇之資兼安
攘之畧益光前烈遠播皇仁四海為家式舞兩階干
羽兆民按堵弘開一統山河窮髮編戶之黎既鼓腹
而頌燕及穿胸雕題之衆尤稽首而杜螳覩顧茲肇
慶之區厥有羅旁之種率其獷悍抗我懷來問罪豈

難於興師廓氛為煩於動衆棄以不治逋而未誅詎也年來禍其日稔加狼兵之助雲遂構黨而煽殃深箐叢林之蔽虧狡焉出入左溪右峒之毒厲蠢爾憑依虔劉我人民侵奪我疆畝方王猷允塞容臬鳴不道之邦矧黎庶雜居忍蠶食匪茹之寇前提督臣某門庭氣憤傳闕疏陳首狀猖獗之兇次及驅逐之典願一勞以定國異萬里而宣威惟 帝曰咨奉天其討喜伸借箸之志瞭成聚米之形內召荐膺膚功未奏臣某幸叨授鉞繼而請纓當神人共憤之深正猺獠殄滅之會乃登壇以誓旅遂分署而出兵淵淵闐

闐動初立而群心賈勇暨暨肅肅詞未畢而衆力超距組甲耀霜直似從青海飲馬赤麾蔽日便如過黑山射鵬肅以宵征滅後朝食乘此征南之軌艷彼破虜之名謂已先聲當自破膽乃羅旁者猶搖蹭蹬之鱗欲奮螳螂之臂蠱而有毒信以來爭臣策勵六師檄星馳於插羽並進五道努電發於張機飛廉鼓向敵之風勢若破竹祝融燿燎原之火威豈合圍始也狼奔忽焉鼠伏直擣萬山之巢穴盡俘百年之逋逃七縱七擒誰云南人復反再接再厲咸道北軍飛來蓋盪平者五百六十餘巢俘斬者四萬二千餘數臣

謹稽往代復考熙朝未有用兵之神如此非常之捷
者也此皆仰成廟筭恭藉皇靈仁含六合之墟明見
萬里之外三軍用命諸將効忠遂能威讙百蠻風動
絕域執訊馘醜雷殷郡國之交權告 廟陳詩日麗
天顏之有喜 臣赤心報國白面談兵媿卻穀之詩書
謝吉甫之文武因而成事敢自誇張謹遣某官敬奉
露布以聞

